

Gobierno a manda director di Arubus cas



Pagina 2

- **Investigacion di ARA ta señala cu ganashinan genera pa Post Aruba N.V. no ta suficiente pa cubri e costonan di operacion** Pagina 4
- **Resultado di investigacion riba uso di remedi** Pagina 7
- **Bureau City Inspector lo cuminsa kita auto sin plachi number for di tereno publico** Pagina 6

Entre 2024 y 2025 lo habri 10
Pasadia pa por baha lista di spera
di SABA



Pagina 3

Corsou: Minister Cijntje ta acusa di
agresion na Hak'e Summer Festival



Pagina 8

Trinidad y Tobago: Aumento
den cantidad di sangura ta trece
preocupacion pa enfermedadnan



Pagina 11

Clarita Britten; Persona conoci pa su palabra “Zeloos” a bay sosega

Clarita Britten tabata un persona masha conoci den comunidad unda el a bira popular despues cu atracador a drenta su cas unda el a dicidi di demostra su balentia y enfrenta e atracador cu su ocurencianan bisando “mi ta hende di credit card, mi no ta firmado di check sin fondo, loooocooo, mi ta hende di dollars.”

Diadomingo ultimo diferente persona, medionan y instancianan a informa riba e fayecimento di esun cu a pone e palabra “zeecelooosss” den boca di tur hende na aña 2018, despues di incidente unda el a ripara e presencia di un atracador na su cas y el a conta su storia, “Clarita ta mi nomber y Britten ta mi fam” el a señala den un entrevista.

Entre e instancianan cu a ofrece un palabra di condolencia ta Stichting Monumenten



Fonds Aruba caminda nan a conta cu na 2018 Clarita a habri e portanan di cas di cunucu pa asina por a organisa un evento di Fiesta di Cunucu.

Segun diferente medio a reporta, Clarita no tabata bon di salud y lo a mester drenta den un tehuis y par di dia pasa a bay sosega.



Esaki sigur ta laga un mensahe na comunidad di un persona cu aunke e tabata un adulto grandi e no a demostra miedo den situacionnan di riesgo.

Di parti di Bon Dia Aruba nos ta manda palabra di condolencia na famia y amigonan cu Clarita Britten lo sosega na paz.

Gobierno a manda director di Arubus cas

Proceso ta andando pa nombra un director interino



Ayer tardi mediante un comunicado di prensa minister di Transport, Integridad, Naturalesa y Asuntonan di Adulto Mayor, Ursell Arends, a anuncia cu director di Arubus, Edwin Mohamed, ta retira for di su posicion inmediatamente.

Despues di e anuncio aki tabatin algun rumor caba tocante un posibel director nobo.

Reportera di Bon Dia Aruba a tuma contacto cu minister Arends pa puntra si berdaderamente tin otro persona caba cu lo asumi e cargo aki of si tin un candidato, kico ta e proceso

pa apunta un director nobo y kico ta e motibo cu a dicidi pa libera sr. Mohamed di su cargo.

Minister Arends a splica den su contesta cu e situacion financiero di Arubus ta critico cual a ser confirma pa varios instancia profesional y imparcial.

Instancianan aki ta Algemene Rekenkamer, CAft y Price Waterhouse Cooper.

“Asina mes mi ta carga speranza cu e compania lo por sobrevivir.

Pero pa logra esey Arubus no por sigui enfoca solamente



riba nan tarea social. Mester expande y reforsa su tarea comercial,” el a remarca.

El a indica cu tin un diferencia di opinion y un diferencia fundamental di vision entre e accionista y hunta di directiva, compara cu e director saliente.

El a señala cu e punto di salida di Gobierno ta cu Arubus no por sigui depende solamente riba fondonan publico y cu e instancia mester expande su servicionan comercial tambe, na mes manera cu tur otro NV.

“No por hustifica tanto beneficio cu a ser otorga na trahadornan, sin cu e parti comercial ta produci minimo un resultado aceptabel.

Pa un motibo Gobierno a haci e empresa un NV.

Na prome instante lo apunta un gerente temporario, mientras cu e hunta di comisario independiente di gobierno ta traha riba seleccion di un gerente nobo na un forma transparente y conforme e reglanan di ‘Good Governance’, el a remarca.

El a subraya pues cu no tin director nobo y actualmente ta den proceso pa nombra un director interino - temporario - pa asina tin un persona na cabes mientras cu ta cuminsa e trayecto di busca un director nobo.

“Tin un proceso cu mester observa na momento di nombra director y durante e proceso ey e compania no por keda sin un gerente na cabes,” el a resalta.

Entre 2024 y 2025 lo habri 10 pasadia pa por baha lista di espera di SABA

Ayera minister di Asuntonan di Adulto Mayor, Ursell Arends, a presenta e proyecto Pasadia pa asina “percura pa e grandinan keda hende” unda tin e meta pa habri varios pasadia rond Aruba manera esun cu lo habri awe di Cas Marie den bario di Macuarima na Santa Cruz.

For di lunanan atras ta conoci cu tin un lista di 150 persona den espera pa drenta SABA, na unda den algun caso, nan mester keda na hospital of na SABA mes sin cu tin mester manera minister Arends a señalá ayera. Minister Arends a señalá cu den presupuesto 2024 a ser inclui un suma di 4.9 miyon florin cu ta pa inverti den asuntonan di adulto mayor den cual ta inclui e proyecto aki di Pasadia.

E meta ta pa habri varios Pasadia rond di Aruba pa cubri e lista di espera ey unda lo duna cuida den dia pa adultonan mayor vulnerabel, ta bay facilita adultonan mayor biba nan cas mas largo, ta bay alivia e peso di e cuida informal, ta traha segun enfoka social, ta haci actividadnan y ta bay sirbi cuminda cayente pa e clientenan cu lo ricibi. E clientenan cu lo forma parti di e Pasadia ta bay ta diferente segun nan necesidad y nan posibilidadnan den cual varios partner ta forma parti como por ehemplo, Wit Gele Kruis, FCCA, SABA, Buurtzorg, Cas Marie, YMCA, Cruz Cora y Club Kibrahacha.



Den esaki, lo tin tres diferente variante di Pasadia, como por ehemplo un cu lo ta bay ser ubica na un luga nobo cu un concepto completo, Pasadia den colaboracion cu entidad existente y un Pasadia satelite, e cual ta bay ta un Pasadia unda ta bay educa tur esnan cu ta bay traha den e Pasadia pa haya kico e trabou aki ta encera y ademas, Pasadia satelite no lo ricibi fondonan di gobierno. E Pasadianan di concepto completo ta bay habri na Oranjestad, FCCA, Cunucu Abou, FCCA, Paradera, Kibrahacha, Practijk di Dokter na San Nicolas. Pa loke ta trata Pasadia cu colaboracion ta bay habri na Cas

Marie na Noord, Cas Marie Santa Cruz, SABA Oranjestad y San Nicolas. Pasadia Satelite ta bay habri na Cruz Cora di San Nicolas. E idea ta pa e aña aki habri 7 y na comienso di 2025 otro 3 mas lo habri cu un total di 10 Pasadia ubica rond di e isla. Minister Arends a bisa tambe cu nan a recluta e ekipo di profesionalnan unda e inrichting ta tumando luga y nan a enfoca riba e parti di transporta pa garantisa e movilidad pa tur adulto mayor por yega na e Pasadianan.

Elise Ras di Cas Marie a spli- ca cu el a studia na Hulanda unda el a haya diferente di-

ploma pa por traha den centronan di cuida, awor cu e ta back na Aruba e ta trahando den Cas Marie for di luna di maart unda el a enfatisa cu “Aruba ta un isla chikito pero cu hopi amor pa duna na nos grandinan, Cas Marie ta usa hopi nan creatividad pa haci esaki posibel, na Savaneta caba nos tabatin un green house unda nos grandinan por bay cuida e matanan y awor mañan (awe) ta e apertura oficial unda cu Cas Marie a haya un luga nobo na Mama Ties unda nos ta pone e focus riba kico e persona por ainda en bes di kico nan no por mas. Esey ta keda nos tema di combersacion cu nos

grandinan y famianan y e cuidadonan cu ta haya dificultad pa motiva nan.” Adicionalmente, Cas Marie ta haciendo un tremendo trabou pa yuda conscientisa comunidad riba e señalnan di Alzheimers. Ademas, e fundacion ta yuda ondersteun mantelzorgers pa asina por sa kico ta spera y con pa adapta na tur fase di e malesa. Un persona cu tin Alzheimer no sa cu e tin’e, ni tampoco kier lubida.

Nan por lubida detaye, pero nan no ta lubida sentimento. P’esey mester trata nos sernan keri cu cariño. Mas hasta si nan cuminsa lubida. “Nos lo sigui traha pa trece mas cuida y asistencia pa nos adultonan mayor, incluyendo esnan cu problema di demencia/Alzheimer.” Mirando cu e cantidad di persona cu demencia ta creciendo rapidamente aki na Aruba, e fundacion a mira e necesidad pa amplia nan capacidad pa asina nan por cumpli cu e demanda. E mandatario tambe a señalá cu lo nan lo sigui traha pa amplia e ekipo di Cas Marie y lo traha cu FCCA y Kibrahacha pa cuminsa pa habri e Pasadianan na e luganan ey, na comienso di 2025 lo habri esun di Praktijk di Dokter na San Nicolas y e dos den SABA pa asina atende cu e lista di spera.

Pasadianan lo keda habri te mainta cu anochi pa adultonan mayor por pasa e dia completo, realiza diferente actividad dependiendo di cada concepto y e necesidad di e clientenan. Riba e pregunta di cuanto cliente e pasadianan lo ricibi, minister Arends a contesta cu e ta varia, por ehemplo awor e pasadia Cas Marie Mama Ties na Santa Cruz, nan lo cuminsa ricibi 16 persona, “e ta depende di e facilidad y e cantidad di e persona cu nan lo por atende, pero nos ta calcula cu entre tur e 10 pasadia sigur nos yega na 250 adulto mayor of mas.”

Pa loke ta trata e costo, minister Arends a señalá cu esey ta depende di cada un di e instancianan cu lo ofrece e servicio aki “pero pa esnan di e concepto completo, di aworaki pa januari no lo tin ni un costo, nos ta trahando riba esaki si y na januari esey lo bin na vigor cu por aplica pa esnan cu no por paga y esnan cu lo por paga, lo tin un costo mara na dje.”



Investigacion di ARA ta señala cu ganashinan genera pa Post Aruba N.V. no ta suficiente pa cubri e costonan di operacion

E rapport di Algemene Rekenkamer Aruba (ARA), “Op afstand, maar toch dichtbij” ta enfoca riba instancianan cu ta poni na un distancia di pais Aruba. E rapport aki a investiga e periodo financiero di 2018 pa 2020 y bay mas profundo den seis instancia. Un di e instancianan aki ta Post Aruba N.V.

Post Aruba N.V. tabata antes un servicio di pais Aruba, bou di e nomber Servicio Postal. Post Aruba a ser estableci dia 24 di augustus 2005 y riba 1 di september 2005 el a bira formalmente autonomo. E meta di Post Aruba ta e envio y entrega di carta-, paquete- y otro documentonan den, for di y pa Aruba, of ehecucion di otro servicio suplementario facilitario pa su mes y pa e beneficio di otro, incluyendo servicio di courier, servicio financiero y bancario, mail directo, servicio digital y benta minorista, of e participacion den y e manejo di otro negoshi cu tin un meta similar.

Pais Aruba ta 100% shareholder di Post Aruba desde momento di su privatisacion. Den Post Aruba pais Aruba, y den esaki e minister responsable, tin un rol amplio. Apart di su responsabilidad di politica den e area di comunicacion, e minister di Econo-

mia, Comunicacion y Desarojo Sostenibel ta representa e pais Aruba den e reunion general di shareholdernan (AvA).

Post Aruba ta localmente suheto na su Landsverordening y internacionalmente e ta suheto na e regla di Universal Postal Union. E tarifa di entrega di post tanto na nivel nacional como internacional ta legalmente fiha.

Post Aruba ta dependiente di pais Aruba pa, mediante cambio di ley, actualisa e tarifanan aki. E tarifanan a ser cambia pa ultimo biaha na 2002. E espacio di operacion na Post Aruba ta, den tur loke ta tarifa di su negoshi central, limita pa esaki. Aunke e Postbesluit 82 ta duna Post Aruba un posicion di monopolio pa transporta cierto carta- y documentonan, toch tin competencia den tur servicio. E competencia aki ta ser tolera.

Post Aruba tin e libertad pa determina tarifanan pa otro servicionan. Sinembargo, e institucion no ta stabiel den e generacion di entrada extra, por ehempel door di activamente pidi na e minister pa un aumento di tarifa of door di desaroya actividad nobo.

Despues di e pago di e capital di share di Afl. 25 milyon pa pais Aruba na 2011, e ta

atribui fondo anualmente den forma di transferencia di capital na Post Aruba. Esaki sin cu tabatin un expansion di e capital social. E Comptabiliteitsverordening 1989 (CV 1989) tampoco ta duna espacio pa e transferencianan di capital pa pais Aruba. E transferencianan di capital di pais Aruba pa Post Aruba ta, pa motibo di esaki, ilegal for di un punto di bista financiero.

E transferencianan aki, cu ta ser registra como transferencia informal di capital pa Post Aruba, ta continua. Esaki ta ser presenta den e tabel 2.1. E continuidad di Post Aruba ta dependiente di e transferencianan di capital di Pais Aruba, cu pa final di 2020 tabata suma Afl. 34.1 milyon.

E estructura di gobernansa di Post Aruba ta un modelo two-tier, cual ta nifica cu e ta consisti di un directiva cu ta bou supervision di un Consejo di Comisarionan (Raad van Commissaren, RvC). E director y miembro di RvC ta ser nombra pa e Reunion General di Shareholdernan (Algemene vergadering van Aandeelhouders, AvA). Tanto e director como e miembro di e Consejo mester tin e experiencia y conocimiento necesario, cu ta ahusta den e operacion di negoshi y meta di e compania.

Post Aruba tin for di 1 februari 2024 cuater miembro nobo di RvC. E di cinco miembro ainda no tin tur e documentonan di rekisito di e Banco Central di Aruba (CBA). E candidato aki no ta segun cu e statutan di e compania. Segun e statutan, e RvC ta consisti di cinco miembro. Si e cantidad di comisarionan ta menos cu cinco, e Consejo ta keda be-

voegd competente y e AvA ta tuma medidanan di complemento di e cantidad di miembronan inmediatamente.

Apart di RvC y AvA, Post Aruba ta bou vigilancia tambe di CBA, pa motibo di e actividadnan anterior di servicio financiero cu tabata ser ehecuta como agente di e compania Western Union y giro postal. Aunke e actividadnan aki a ser para, e compania ainda tin e permiso. E supervision di CBA ta limita den practica, pero nan mester duna aprobacion pa nombramento di miembro pa RvC.

Post Aruba ta sufri perdidan grandi ya durante hopi aña. E continuidad di e compania ta depende grandemente di e disposicion di pais Aruba, pa continua e financiamiento (den forma di transferencianan di capital) di su capital propio. Asina e compania ta ser ta keda na bida durante hopi aña.

Tabel 2.1 ta indica cu e deficit acumulativo ta sigui subi pa motibo di e resultadonan negativo di cada aña. E resultadonan negativo di cada aña a duna como resultado cu e deficit acumulativo di Post Aruba di Afl. 37.9 milyon na 2015 a subi te na cerca di Afl. 59.1 milyon na 2020.

Durante añanan diferente medio di comunicacion a bira mas digital y esaki a reduci e comunicacion den forma di carta- y carchinan grandemente. Aki tambe Post Aruba a mira un caida den e volumen di entrega di cartanan. Aparte di e envio y entrega di carta, Post Aruba ta ofrece otro servicio manera courier y e-commerce. Tin varios compania priva cu ta ofrece e servicionan aki tambe. E compania aki no ta suheto na e obligacion legalmente estableci. Esaki ta limita Post Aruba den su posibilidadnan di crece den e servicionan aki. E regulacion di e mercado postal ta den man di gobierno.

E ganashinan genera pa Post Aruba no ta suficiente pa cubri e costonan di operacion. E costonan di salario y e costonan di impuesto social, ta forma e mayoria di e total di costonan di Post Aruba. E costonan di personal ta mas abou na 2020, pa motibo di e reduccion di salario cu 12,6% relaciona cu e medidanan di

solidaridad di e pais. E cantidad di empleado a keda igual den e periodo aki. Den 2017, 2019 y 2020 tabatin 114 empleado na trabou, den 2018 tabatin 117. Pa Post Aruba no tabata posible pa forsa e despedida di personal como consecuencia di e pandemia di Covid-19, pa motibo di limitacionnan di gobernacion. Post Aruba a introduci un schema VUT un biaha na 2021 pa reduci e personal. E pago di e schema VUT pa e nueve empleadonan cu a usa e oportunidad, lo caba na 2024.

E investigacion di ARA ta muestra cu tin debenan mutuo entre Post Aruba y pais Aruba. Asina e compania a acumula debenan pa motibo di no paga impuesto di salario y primanan social. Di otro banda, pais Aruba ta ser registra como e cobrado di debe mas grandi di comercio den e balans di cuenta di e compania.

Buki 2 BW titulo 593 ta contene tur e disposicionnan riba e naamloze vennootschap, incluyendo e disposicionnan riba e presentacion di contabilidad. Buki 2 BW ta duna e posibilidad pa e statutan separa di e vennootschap pa regula asuntunan diferente, e posibilidad aki ta ser menciona den Buki 2 BW.

Digno di menciona ta e hecho cu na Post Aruba, tanto den e Landsverordening Vezelfstanding Postwezen como den e statutan di Post Aruba tin un periodo pa entrega e cuentanan anual. E periodonan aki no ta coherente. E statutan ta menciona un periodo di cinco luna despues di ciere di e aña di buki.


Den e Landsverordening menciona ta inclui: “E minister ta segura cu Post Aruba N.V. ta entrega un rapport anual y un cuenta anual, firma pa un accountant registra cerca dje riba mas tarda 1 di april di cada aña.”

Ta notabel tambe cu un responsabilidad pa e entrega di e rapport anual y cuenta anual, ta ser poni riba e minister encarga cu e asunto postal. Entrega di cuenta anual di Post Aruba no a mantene su obligacion di contabilidad pa e aña 2018 te cu 2020.

Tabel 2.1: Resultaten Post Aruba 2017-2020 (in Afl.)

| | 2017 (concept) | 2018 (concept) | 2019 (concept) | 2020 (concept) |
|---------------------------------|-------------------|-------------------|-------------------|-------------------|
| Balans | | | | |
| Geplaatst kapitaal | 25.000.000 | 25.000.000 | 25.000.000 | 25.000.000 |
| Informeel kapitaalstorting | 22.301.700 | 26.232.086 | 30.332.086 | 34.132.086 |
| Geaccumuleerde tekorten | -45.903.541 | -50.900.225 | -53.497.588 | -59.050.206 |
| Totaal eigen vermogen | 1.398.159 | 331.861 | 1.834.498 | 81.880 |
| Winst-en-verliesrekening | | | | |
| Resultaat | -4.670.497 | -4.996.684 | -2.597.363 | -5.552.618 |
| Kasstroomoverzicht | | | | |
| Storting kapitaalbreng | 3.800.000 | 3.930.386 | 4.100.000 | 3.800.000 |
| Land Aruba | | | | |

Figuur 2.1: Geaccumuleerde tekorten Post Aruba 2015-2020 (in Afl.)



Bron: Jaarrekening Post Aruba 2015 en *concept jaarrekeningen 2016-2020

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueero (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Kita director anto... Pa drecha kico...?

Na un tono firme y decidido e mandatario encarga cu e empresa nacional di transporte publico, Arubus NV, a anuncia retiro di e director di e empresa, cu a haya un sucesor di biaha tambe. A gradici e director saliente pa su contribucion na e compania, pero esey no ta kita cu lo ta interesante pa sa con e asunto di retiro aki a bay. Como representante di e accionista unico di e compania, Pais Aruba, e mandatario lo mester a convoca un reunion pa atende e asunto, unda cierto formalidad lo mester a keda cumpli. E convocacion di e asamblea di accionista aki mester tabata yama na e manera corecto y den e reunion ey lo mester a duna oportunidad na e director pa hiba palabra pa duna su punto di vista. Esaki ta parce algo normal y esey e ta tambe, pero den pasado recien gobernacion tabata comete pifia imperdonable den e tipo di asunto aki. Fresco den nos memoria a keda e caso di e director di WEB Aruba NV, cu a keda retira sin siquiera cumpli cu e formalidad di scucha e persona den e asamblea. Ta Corte di Husticia despues a bati tanto e hues di Promer Instancia y gobierno, mas especificamente e ministro encarga cu energia di e tempo ey, riba nan man pa no a respeta e normanan di bon gobernacion, cu ta exige tal procedimiento durante e sesion di accionista. Pa ta mas specifico den e asunto aki, no ta asina cu un empresa mester tin un codigo di 'good governance' introduci y aproba dentro di e entidad. E ta algo cu segun tradicion y jurisprudencia Hulandes ta considera "algemene beginselen van deugdelijk bestuur"; principionan general di bon gobernacion o administracion, cu por cierto tabata existi caba pa mas cu un siglo, especificamente pa sector priva, es decir hopi antes cu e actual ola internacional di 'good governance' den sector publico. Den e caso hudicial na cual nos a referi, tambe e hues di Promer Instancia a haya critica pisa di su coleganan di Corte, pasobra el a bay na favor di gobierno ignorando e pasonan importante cu gobierno a salta den nan apuro pa percura cu e director tabata para pafor ASAP. Nos no ta bisa cu den e caso actual e asunto a bay asina, pero 'just in case', ata un punto pa atende den un eventual caso den corte. Pero, ban tira un vista riba e situacion di e compania mes. Segun e mandatario, e compania ta bancarota, segun varios autoridad, manera Contraloria General y e accountant involucra. Nos no tin ningun duda di esey, pero lo ta interesante pa sa di ki forma? Manera e informe reciente di ARA a menciona, tin varios entidad cu tin como acreedor principal e propio accionista unico, Pais Aruba. E

companianan den problema ta tene nan situacion financiero malo scondi, kedando sin paga e diferente impuestonan cu nan debe gobernacion. E informenan di accountant cu a bira conoci den e caso di Serlimar algun aña pasa a demostra caba e enfermedad cronico aki di e empresanan estatal, y Arubus no ta un excepcion. Sin embargo, parlamento ta sigui vota 'pro' pa mas subsidio, mientras no tin e cifranan necesario riba mesa. Aki ta parce cu Staten mes no tin un nocion di kico ta 'good governance' aprobando subsidio sin sa siquiera kico ta pasando, ta contribui na e practica gubernamental aki. Esey ta trece nos na un pregunta dirigi na e ministro encarga: despues di tres aña na mando, porfin a 'descubri' cu e compania ta bancarota? O tabata algo cu e por tabata sa desde e dia cu el a asumi responsabilidad? Si tur hende mas o menos informa na e isla aki tabata sa esey pa varios aña caba, kico ta e diferencia awe, y mas importante, nos por haya sa porfin kico ta bay haci? Kita director for di su puesto ta solamente un bon inicio, si por indica ta kico ta bay cambia den e compania, y pakico esey no por a tuma lugar algun aña pasa caba? Hecho ta cu loke nos a mira na maneho den e tres aña aki, no ta cos di gaba. Nos no a mira ni tende nada di un plan bon structura pa atende problema di e compania, ni mas en general un plan pa desaroyo di transporte publico. Y ta e plan general ey mester defini kico ta bay haci cu Arubus y kico ta e cosnan cu Arubus no por haci. E problema strategico cu Aruba tin, den tur caso cu tin di haci cu infraestructura, ta e plamamento di e poblacion riba un superficie asina grandi. Loke normalmente lo a biba den un ciudad di cinco pa cinco kilometro - 25 km² - cerca nos ta plama riba 100 km². Esaki tin consecuencia grandi pa transporte publico adecua y pagable, pasobra bo no por mantene un red di servicio, cerca di cliente y frecuente, y sigur no si ta sigui core cu bus grandi cu gran parti di dia ta core casi bashi, sin un frecuencia adecua. E pregunta ta masha simple: ki dia nos ta bay tende o lesa cu e ministro encarga ta consciente di e problemanan structural aki y ta bay atende nan. Y esaki tumanando na cuenta cu bus t'ey pa esnan di menos recurso... Esaki tin dos consecuencia: Uno, bo no por mata nan cu prijs. Dos: sin servicio frecuente y mas diversifica bo no ta yuda ningun hende. Despues di tres aña, ta totalmente desconoci ainda unda e mandatario aki kier hiba transporte publico...

Abo ta cla pa gana 1 miyon 500 mil florin cu Lotto 5?

Sorteo ta diaranson anochi

Diasabra ultimo Lotto 5 no a conoce ningun ganador cu ta pone e jackpot sigui crece y pa diaranson awo e suma bira 1 miyon 500 mil florin! Lotto 5 ta costa solamente 4 florin pa ticket y bo por combina bo 5 numbernan for di 01 te cu 35, si bo no sa cua numbernan pa kies, bo ta puntra bo rebendedo pa un loco y asina bo ta den wega pa bira e siguiente miyonario y gana e jackpot di 1 miyon 500 mil florin cu Lotto 5.

Corda busca bo Lotto 5 di

awe caba, pa asina bo no keda afo di e sorteo miyonario di diaranson nochi cu Lotto, e Loteria di Aruba. Tambe Lotto ta ofrece bo e opcion pa por cumpra bo weganan di Lotto Online, kiermen si bo no tin chens pa sali cumpra bo weganan preferi di Lotto, bo por cumpr'e for di bo smart phone, tablet of bo computer!

Si ainda bo no tin un cuenta di Lotto Online, bishita www.lottoaruba.com, traha bo cuenta di hungado y asina cu bo wordo aproba, bo



por cuminsa hunga Lotto online tambe!

Sorteo di Lotto 5 ta hunga diaranson awo pa 7.45PM y por cumpra bo ticket na bo

rebendedor favorito te cu 7.30PM.

Lotto, E Loteria di Aruba tin diferente wega, Catochi, Big 4, 1-OFF, Zodiac,

Wega di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus y e diferente weganan di Raspa y Gana y Instacash. Tambe lo por hunga Lotto Online door di bishita: www.play.lottoaruba.com pa por registra. Cumprando Lotto bo ta contribui na deporte riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

Bureau City Inspector lo cuminsa kita auto sin plachi number for di tereno publico

Entrante 1 di juni 2024 a cuminsa cu un campaña di autonnan bieu wacharaca cu ta para ariba tereno publico. Segun Relacionista Publico Robby Rosel di Bureau City Inspector, pueblo por yuda pa nos mantene nos Aruba limpi.

Relacionista Publico di Bureau City Inspector (BCI) Sr. Robby Rosel kier a haci un suplica na tur mecaniconan di "bou palo" of cualkier persona cu ta traha ariba auto pa tuma bon nota di locual ta bay sosode den e lunanan nos dilanti. Bureau City Inspector (BCI) ta hibando un campaña pa por kita tur autonnan den mal estado cu ta



ariba tereno di gobierno y cu no ta den un estado pa por ta ariba caminda, esakinan ta wordo considera como "autonnan wacharaca".

Tur dia BCI ta haya hopi

reclamo di ciudadanonan tocante e autonnan aki mal estaciona of di mecaniconan cu ta keda pone tur e autonnan

aki ariba tereno cu no ta dinan. Actualmente trahadornan di Bureau City Inspector (BCI) a cuminsa bishita tur e sitionan cu ta wordo raporta via yamada y nos por bisa cu varios luga tin auto nan bieu y kibra ariba tereno di gobierno.

Bureau City Inspector (BCI) kier a haci un peticion na tur esnan cu tin auto sin nummerplaat valido para ariba tereno publico pa por cuminsa kita e auto nan aki. Nos kier haci e peticion aki specialmente na e doñonan pa por busca nan auto prome cu nos cuminsa ehecuta articulo 55 di Algemene Politiever-

ordering, cu auto cu no tin number di auto paga, cu no tin seguro, cu no ta den bon estado pa ley y autonnan cu ta para ariba terenonan publico lo wordo kita.

Tur esaki ta locual cu nos lo ta bay ta controlando prome cu nos laga kita e autonnan aki. Si bo ta desea pa nos pasa wak luganan cu tin autonnan bieu, por yama Bureau City Inspector (BCI) libremente 582-9777 of subi ariba www.FIXI.aw pa bo raporta esaki. Si bo mes tin un auto bieu na bo cas cu bo kier benta afo por contact nos libremente.

Embeyecemento di Eagle Beach Strip ta continua cu plantacion di matanan local

Diamars mainta Minister di Turismo y Salud Publico Sr. Dangui Oduber a bishita Eagle Beach pa wak e progreso di e proyecto pa embeyece e strip di Eagle Beach. Un bunita bista danki na plantamento di matanan local pa asina trece mas sombra y ambiente tropical pa nos local y turistanan. E proyecto aki ta core for di e rotonde di Amsterdam Manor te cu e rotonde di Alhambra.

Minister Dangui Oduber ta contento con e avance di e proyecto aki ta canando. Un proyecto cu ta un colabora-



cion entre Tourism Product Enhancement Fund (TPEF), Aruba Tourism Authority (ATA) y DOW cual ta supervisando e trabounan. E proyecto aki di "beautification" ta den su fasenan final unda ta embeyece henter e strip di Eagle Beach den

cuadro di e mehoracion di nos producto Aruba. Pa duna un experiencia mas agradabel ora di warda pa coy un bus, awo lo tin sombra pa nos bishitantenan y nos localnan door di mata di Aruba, na luga di concret.

Finalmente Minister Dangui Oduber ta sumamente contento cu e colaboracion di tur "partners" cu ta haciendo e proyecto aki bira un realidad y cu e vision di Ministerio di Turismo ta pa proyecto aki trece un uniformidad y ambiente agradabel y estructura pa tur cu ta cana, core of haci deporte den e area aki.

DAVIDKOCK DIAZREUS
INTERNATIONAL LAW FIRM

ARUBA OFFICE
Weststraat 13
Oranjestad, Aruba
T. (297) 582 3555
E. info@dk.legal

OPROEP SCHULDEISERS

BIJ BESCHIKKING VAN 25 JUNI 2024 BEHORENDE BIJ E.J. NR. AUA202300361 VAN HET GERECHT IN EERSTE AANLEG VAN ARUBA IS DE STICHTING FUNDACION HERENCIA ARUBA, GEVESTIGD OP ARUBA AAN DE WESTSTRAAT NO. 13 TOT VEREFFENAAR BENOEMD VAN DE ONBEHEERDE NALATENSCHAP VAN DE ERFLATERS FELIX ALEXANDER VIOLENES, GEBOREN TE SINT MAARTEN OP 3 JUNI 1909 EN OVERLEDEN OP 10 AUGUSTUS 1979 EN MARY AUGUSTA HODGE, GEBOREN IN ANGUILLA OP 24 MAART 1911 EN OVERLEDEN OP 15 JULI 1987 TE ARUBA.

SCHULDEISERS KUNNEN BINNEN ZES WEKEN NA PUBLICATIE VAN DEZE ADVERTENTIE HUN VORDERING INDIENEN BIJ DE VEREFFENAARS.

DE VEREFFENAAR,
FUNDACION HERENCIA

Estudio nobo ta revela cu posibilidad di Alzheimer's ta conecta mas na mama compara cu tata

(scitechdaily)—Un estudio nobo conduci pa investigadornan for di Mas General Brigham ta indica cu mayor for di ken un persona ta hereda e malesa di Alzheimer's por afecta e probabilidad di cambianan biologico den cerebro asocia cu e malesa.

E estudio a evalua 4,400 adultonan cognitivamente intacto entre 65 pa 85 aña di edad y a descubri cu individualnan cu un historia familiar di e malesa Alzheimer's den e banda materno of for di ambos mayor a muestra nivelnan halto di amiloide den nan cerebro. E describimentonan aki a ser publica den JAMA Neurology.

“Nos estudio a descubri cu si participantenan tin un historia familiar den banda materno,

por observa un nivel mas halto di amiloide,” segun autor correspondente senior Hyun-Sik Yang, MD, un neurologo na Mass General Brigham y neurologo di comportamiento den e Division of Cognitive and Behavioral Neurology na Brigham and Women's Hospital.

Yang a colabora cu otro investigadornan for di MS Brigham, como tambe investigadornan for di Vanderbilt y Stanford University. El a bisa cu estudionan mas chikito den pasado a investiga e rol cu historia familiar ta hunga den Alzheimer's. Algun di e estudionan a sugeri cu historia materno a representa un riesgo mas halto pa desaroya Alzheimer's, pero e grupo kier a reevalua e pregunta cu participantenan cognitivamente normal y acceso na

un data ser clinico mas grandi.

Metodologia y analisis di participante

E equipo a examina e historia familiar di adultonan grandi for di e estudio yama Anti-Amyloide Treatment in Asymptomatic Alzheimer's, cual ta un prueba clinica arbitrario diseña pa prevencion di Alzheimer's. A puntra participantenan tocante e comienso di sintomanan relaciona cu perdida di memoria den nan mayornan. Investigadornan tambe a puntra si nan mayor a ser diagnostica formalmente of si tabatin un confirmacion di autopsia indicando Alzheimer's.

Despues investigadornan a compara e contestanan ey a

midi amiloide den e participantenan. Nan a descubri cu historia materno di discapacidad di memoria na tur edad y historia paterno di comienso trempan di discapacidad di memoria tabata asocia cu nivelnan mas halto di amiloide den e participantenan. Investigadornan a observa cu teniendo solamente un historia paterno di comienso laat di discapacidad di memoria no tabata asocia cu nivelnan halto di amiloide.

Limitationnan di e estudio

Yang a nota cu un limitacion di e estudio ta cu algun di e mayornan di e participantenan a muri jong, prome cu nan por a desaroya sintomanan di discapacidad cognitivo. El a bisa cu factornan social manera acceso na recurso y educacion

tambe por hunga un rol den ora un persona reconoce discapacidad cognitivo y si nan a ser diagnostica formalmente.

“Tambe ta importante pa nota cu un mayoria di e participantenan ta hende blanco y no-Hispano,” segun Mabel Seto, PhD, autor principal y investigador den e Department of Neurology na Brigham. “Porta nos no ta mira e mesun efecto den otro rasa y etnicidad.”

Seto a bisa cu e proximo stapnan ta pa expande e estudio pa mira otro gruponan y examina con historia di mayornan ta afecta caida cognitivo y acumulacion di amiloide durante tempo y pakico DNA for di e mama ta hunga un rol.

STEPS 2023

Resultado di investigacion riba uso di remedi



Den aña 2023 Departamento di Salud Publico den colaboracion cu WHO/PAHO y Central Bureau of Statistics (CBS) a organisa un investigacion Nacional cu a carga e number di STEPS 2023.

Meta di STEPS 2023 tawata pa colecta informacion valioso riba salud di nos comunidad di forma cu organisacionnan en-carga cu maneho di salud publico por ricibi un bista actual di e salud di nos poblacion pero tambe conoce e factornan di riesgo cu por conduci na malesanan cronico. Conociendo e factornan di riesgo aki e diferente organisacionnan lo por traha riba manehonan nobo mas dirigi riba mehoracion di e salud di nos hendenan.

Resultado di STEPS a conclui cu 60% di personanan cu ta sufri di malesanan cronico manera presion halto, diabetes,

of colesterol halto ta tumar nan medicamento manera dokter ta prescribi. Mientras cu 30% ta scoge pa recorri cerca curandero natural y ta haci uzo di unicamente medicina natural of combina cu medicina prescribi

Uzo unicamente di medicina natural cerca personanan cu tin diabetes, presion halto of colesterol tin biaha por conduci na complicacionnan serio manera ataca di curason of problema di riñon.

E ora a yega pa nos dal e paso pa nos salud y “cambia nos habitonan” abo ta cla p’e?

Pa mas informacion like nos Facebook page Directie Volksgezondheid DVG Aruba, Follow nos riba Instagram directie_volksgesondheid_aruba, subi nos website www.dvg.aw, yama nos na 5224200 of mail nos na servicio@dvg.aw

LOTTO 5

Diaranson 10 di juli

Afl. **1.500.000,-**

Selecta:
Selecciona cinco (5) number entre 1 y 35

Multi Draw:
Selecta bo numbernan pa e sorteo desea y siguiente sorteonan. Pa asina bo keda den wega!

Combo: Puntra bo rebendado pa opcionan di combo.

www.lottoaruba.com

Corsou: Minister Cijntje ta acusa di agresion na Hak'e Summer Festival

(CuraçaoChronicle) - E festival di zomer yama Hak'e Summer Festival tipicamente ta un ocasion di felicidad, sinembargo esaki a converti den un incidente preocupante despues cu acusacion di agresion a surgi contra Minister Cijntje encarga cu desaroyo economico.

Segun reportahenan, un incidente a tuma luga na e seccion VIP unda un empleado femenino a ser maltrata pa e minister. Despues di e incidente e muhe a entrega un keho formal di agresion cu e agencia nacional di detective. E controversia a tuma luga ora cu Minister cijntje a purba



drenta e festival cu 3 persona, apesar cu e tabatin entrada pa 2 so. Su malcontento a bini for di protocol di seguridad u a preveni cu su tercer acompañante por a drenta, un guardia di seguridad, for di compañía

nan dentro di e evento. Aparentemente esaki a causa un confrontacion unda e minister ta acusa di físicamente pusha e empleado y usa lengahe agresivo. Media local a identifica Minis-

ter Cijntje como e figura central den e incidente, cual a causa disgusto publico y exigencia pa e minister responsabilisa su mes. Curaçao Chronicle a acerca e minister pa su banda di e medaya sinembargo e no

a responde. E caso a hala atencion a causa di su implicacion pa conducta publico y e trato di e empleadonan di e festival. Autoridadnan ta anticipa di investiga e acusacionnan y determina cautelosamente e curso apropiado pa tuma despues.

E organisadornan di e festival Hak'e Summer Festival no a duna un declaracion oficial tocante e incidente aki ni e acusacionnan haci contra e minister. Mientras e situacion ta sigui desaroya, e comunidad ta keda pendiente na actualisacionnan tocante e incidente y e acusacionnan haci a causa di esaki contra e minister y su respuesta.



(CuraçaoChronicle) - Miembro di Parlamento pa e partido den oposicion Aña Maria Pauletta ta haciendo un yamado pa mas trans-

parencia for di e Minister di Trafico, Transportacion y Plan Urbano (VVRP), Charles Cooper, tocante e benta di e casnan cu ta resta

Parlamentario den oposicion ta pidi claridad tocante benta di vivienda for di Minister Cooper

maneha pa Woningbouw NV. Pauletta a expresa su preocupacionnan den un carta dirigi na minister e di VVRP.

Pauletta ta particularmente interesa den compronde e pasonan cu a ser tuma pa transferi e casnan aki na e fundacion pa vivienda social FKP den preparacion pa e momento cu dissolve Woningbouw NV. "Mirando FKP su dificultadnan financiero, e opcion aki ta

preocupante y un desafio grandi pa realisa," e parlamentario a declara. Tambe el a puntra tocante e ultimo biaha cu tabatin dialogo entre Woningbouw NV y e residentenan. Den aña 1996, e gobierno a dicidi pa bende e casnan na e residentenan y dissolve e compania di e estado yama Woningbouw NV. E ultimo reunion parlamentario tocante esaki a tuma luga den 2018, durante cual ambos residentenan y e ex

maneho di Woningbouw NV a ser consulta.

Despues di e reunion, e ministerio a bende aproximadamente 13 cas den 2018 y 2019. Segun e rapport anual di 2021, 38 di e 167 casnan original te ainda no a ser bendi. Combersacion cu e residentenan a causa cu Pauletta a conclui cu un solucion sostenibel pa e benta di e 38 casnan aki te ainda mester ser haya.

Plataforma di colaboracion entre hefenan di inmigracion den reino a ser concretisa



Recientemente, minister di Husticia y Asuntonan Social Sr. Rocco Tjon tawata presente na e Justitieel Vierlanden Overleg (JVO) na Hulanda, caminda a reuni cu demas ministernan di husticia den reino, pa asina traha palabracionnan concreto pa lora ta toca colaboracionnan den reino. Asina,

e proposicion di parti di director di Inmigracion di Aruba Sr. Andrew Hoo, pa introduci un plataforma regional caminda e hefenan di Inmigracion ta bay traha mas di cerca cu otro, pa haci e contacto cu otro mas estrecho posibel, a ser aproba.

E islanan Caribense di Reino

esta, Aruba, Curaçao, Caribe Hulandes y Sint Maarten tin un rol sumamente importante den combatimento di criminalidad organisa transnacional. Pa fortalece e esfuersonan di e islanan contra e crimen aki, ta importante pa tin un cooperacion internacional (regional) estrecho cu e departamentonan di inmigracion/autoridad di frontera.

Actualmente, e departamentonan individual aki ta demasiado chikito pa por tin tur e experticio necesario interno, pues ta trata di un falta di capacidad, experticio, opleiding y entrenamento den e region.

Consecuentemente, segun hefe di Inmigracion Sr. Hoo, e obhetivo di e plataforma ta pa e islanan intercambia informacion, inteligencia



y experticio den cuadro di tendencianan cu por afecta integracion y seguridad en general. Pues, ta papia di un intercambio di experiencia den un moda mas structura.

E plataforma di cooperacion aki, lo consisti di Director di Inmigracion di Aruba, Director di "Immigration and Border Patrol Services" di Sint Maarten, Cuerpo Policial di

Curaçao pa Curaçao, y pa Caribe Hulandes e "Plv. Brigadecommandant en Hoofd Operatiën".

Danki na e acuerdo cu a wordo concretisa recientemente durante e JVO na Hulanda, e proceso di cooperacion regional, entre hefenan di Inmigracion, por bay inicia, pa asina sigui eleva seguridad na nos frontera.



Awo cu 2 florin mas, bo por gana e

***Afl. 440.000,-**

***Afl. 340.000,- + Afl. 100.000,- extra**

Benta ta sera 7:30 pm y sorteo ta hunga 7:45 pm

MEGA PLUS



HUNGA AWO



Baby cu a ser laga den auto riba caminda na Rotterdam a fayece

(nltimes.nl) - Un baby cu a keda den un auto riba un caminda na Rotterdam a keda pronuncia morto a pesar di esfuersonan di staff medico pa salba su bida. Un homber a keda deteni na e lugá, polis a bisa. E vehiculo, un Audi Q2, supuestamente tabata tin un plachi di number di Belgica.

Un grupo masivo di polis, paramedico y bombero a yega na Vlaardingenweg den districto di Overschie poco despues di 5or di atardi. E condicion di

e baby tabata hopi malo ora e bentana di atras di e auto na banda di pasahero a wordo kibra y a saca e mucha for di e auto.

Despachadornan di servicio di emergencia tambe a manda un ekipo di trauma medico na e lugá via helicopter. Pero e esfuersonan pa rebiba e baby no a tabata exitoso. "Lamentablemente e baby a fayece. Polis ta investiga e circunstancianan," polis di districto Rotterdam a bisa riba X.

E relacion di e sospechoso cu e vehiculo y e baby no a wordo revela di biaha pa polis. El a wordo hiba na un warda di polis na e area, caminda e mester a pasa un entrevista.

E temperatura pafó di e auto tabata un tiki mas di 20 grado Celsius ora cu a enkontra cu e mucha den e Audi Q2. Den condicionnan similar, e temperatura den e cabina di un vehiculo sera por yega te 30 grado den 10 minuut, 40 grado den 35 minuut y por acerca 50 grado despues di 90 minuut.



E riesgo di golpi di calor ta cuminsa ora e temperatura di curpa pasa 39 grado, segun e RIVM. E situacion tin mas chens di bira serio of mortal ora e temperatura di curpa yega 42 grado.

Minister di Defensa ta condena atake “cobarde” na Kyiv cu a dal muchanan den hospital

(nltimes.nl) - Minister di Defensa Ruben Brekelmans a condena un atake aereo “cobarde” di Rusia riba varios ciudadnan na Ucrania dialuna. E atake cu misil a mata hende na Kyiv, Dnipro, Kryvyi Rih, Slov'yansk y Kramatorsk, tambe a ataca un hospital di mucha den e capital Ukraina, segun Kyiv Post.

“E terrorismo di Rusia no tin limite: awor un atake cobarde riba un hospital di mucha,” e minister di Defensa di VVD

a bisa. “Awor cu mi a caba di bolbe for di Kyiv, e ta ainda mas doloroso pa mira.”

Brekelmans y minister di Asuntonan Exterior Caspar Veldkamp a bishita Ucrania durante weekend, reafirmando e sosten di Hulanda contra e agresor Ruso y primintiendo mas ayudo den forma di avionnan di combate F-16, sistema di defensa aereo Patriot y un laboratorio forensico mobil pa investiga crimennan di guerra. E minister di Defensa nobo a bisa cu e atake aki “ta fortalece mi motivacion pa rapidamente

entrega e parti di Patriot y F-16nan. Y pa sigui haci mas riba defensa anti-aereo cu partnernan!”

Tiki informacion ta conoci tocante e cantidad di victimanan y e grado di daño cuasa pa e bombardeonan aki. E alcalde di Kyiv a bisa Reuters cu e tabata un di e atakenan mas grandi riba e ciudad den dos aña di guerra. Presidente Ukraniano Volodymyr Zelenskyy a bisa riba X cu mirones y dokternan tabata busca victimanan den e escombronan di e Hospital di Mucha Okhmatdyt. “Rusia no

por reclama cu nan no sa unda nan misilnan ta bay y nan mester ta completamente responsabel pa tur nan crimennan. Contra hende, contra muchanan,

contra humanidad en general. Ta hopi importante pa mundo no keda keto tocante e cosnan aki awor y cu tur hende ta mira kico Rusia ta y kico e ta haci.”

Prome bishita di prome minister Hulandes Schoof den exterior: Reunion cu lidernan di EU na Bruselas

(nltimes.nl) - Prome minister Dick Schoof su prome bishita di exterior lo tuma lugá na Bruselas dialuna proximo. Aki, el lo topa cu presidente di e Comision Europeo Ursula von der Leyen y presidente di Parlamento Europeo Roberta Metsola.

E ta un bishita di introduccion, pues no ta di negoshi ainda. E acuerdo di coalicion di PVV, VVD, NSC y BBB ta contene un lista amplio di deseo cu e gabinete nobo di Schoof tin cu logra na Bruselas.

Schoof no ta conoci na Bruselas. Lo ta un trabou grandi pa e

pa gana un lugá entre e grupo colorido di lidernan di gobierno di e Union Europeo y pa reconquista un lugá significativo pa Hulanda den e campo di forsa di Bruselas. Despues di 14 aña, anterior prome minister Mark Rutte tabata conoci y experto. E preguntanan ta si Schoof lo tin exito den esaki. Su gabinete ta desplega cu deseonan cu, por lo menos, no lo ta bon bini den Europa. PVV, VVD, NSC y BBB kier, entre otro cos, menos contribucion financiero y mas espacio di e Union Europeo y, mas cu tur, un posicion excepcional pa campesinonan Hulandes.

E acuerdo di coalicion tambe ta bisa cu Hulanda kier opt-out di asilo y migracion. Realizacion tal opt-out realmente no ta realistico.

E prome minister por puntra Von der Leyen dialuna ki tipo di candidato e tin den mente pa e Comisionario Europeo di Hulanda nobo. Von der Leyen lo compone su ekipo nobo den e siman aki cu ta bin. Wopke Hoekstra (CDA) ta actualmente e Comisionario Europeo di Hulanda. Schoof a bisa na un rueda di prensa semanal dialuna cu Hoekstra ta un bon candidato. Segun Schoof, varios candidato a muestra interes.



ARUBA SMART METER UPGRADE

ELMAR ta cla pa instala Smart Meters den e vecindario di:

| | | |
|--------------|------------------|--------------|
| • Hooiberg | • Hooiberg Kavel | • Sero Lopez |
| • Morgenster | • Piedra Plat | • Bloemond |
| • Pavia | • Casibari | • Tamarijn |
| • Pavia Park | • Paradera | |
| • Sero Preto | • Sero Pita | |

E trabounan lo tuma lugar:

Entre dialuna, 1 di juli 2024 te cu diabierna, 2 di augustus 2024

E trabounan lo dura mas o menos 30 minuut y lo causa un interupcion cortico di servicio di coriente.

Danki pa e cooperacion.



Colombia: A detene Aleman conecta na Clan del Golfo y e cartel Jalisco Nueva Generación



(Infobae) - Cu e obhe-tivo di mitiga e impacto y poder cu e “narconan invisbel” tin den e pais, durante e ultimo lunanan a registra varios operativo cu a resulta den e captura di algun di e delincuente-enan aki cu tin un imagen di empresario den algun ciudad di e pais.

E mas recien di e casonan aki ta esun di e Aleman Patrick Schmitz, ken a ser captura pa polis nacional na un mansion den Santa Marta, como parti di un operativo cu a registra conhuntamente cu

Homeland Security Investigations (HSI), mirando cu e stranhero ta rekeri pa District Court of New Jersey, señala como e hefe di un estructura di narcotrafico y labamento di placa.

Segun loke autoridadnan Colombiano a reporta, un detaye cu a hala atencion di e autoridadnan ta cu Schmitz tabatin un altar satanico na e sitio unda e tabata scondi, cu cual e ta bisa e tabata busca “forsanan scur” pa e por sca-pa di ser gara.

Di mesun manera, a informa



cu e Aleman tabata e conex-ion entre Clan del Golfo di Colombia y algun cede di cartel Jalisco Nueva Generacion na Mexico.

E stranhero tabata referencia como un experto den e uso di dark web y a confirma cu den e vivienda unda e tabata scondi el a instala un circuito cera di television cual ta monitor 24 ora pa dia. Autoridadnan

a informa cu Schmitz tabatin desde aña 2015 scondi na Colombia.

Mienras e tabata scondi na Colombia, e tabata usa metodo manera ‘spiel’ y ‘token’ pa facilita e pago di servicionan ilegal cu e organisacionnan criminal di e pais, Centroamerica y Merca. “E tabata doño di varios portal riba dark web, cu un reputa-

cion criminal halto.

Via esaki e tabata comercialisa na Norteamerica cocaina di varios diferente presentacion y tamaño, pornografia infantil, documentonan falso, servicio di hacking, droga sintetico y accesorionan pa oculta dispositivonan pa warda informacion ilegal,” polis nacional a informa tocante e caso.



Guatemala: A condena ex-fiscal antimafia acusa di revela informacion confidencial

(AFP) – Un tribunal di Guatemala ayera dialuna a sentencia na cinco aña di prizon ex-fiscal anticorupcion Virginia Laparra, acusa di revela informacion confidencial, den un causa critica pa comunidad internacional.

Esaki ta e segundo condena contra Laparra, di 44 aña, despues cu 16 di december 2022 a ser sentencia na cuatro aña di prizon den otro proceso polemico, acusa di a denuncia un hues sin pruebanan. “Pa e comision di e delito penal aki ta impone e castigo di cinco aña di prizon,” e hues cu a lesa e veredicto Moises de Leon, di e tribunal di Ciudad di Quetzaltenango, ubica na casi 200 kilometer di e capital a bisa. Laparra ken ta permanece cu aresto domiciliario for di 4 di januari despues di ta dos aña den prizon, tabata hefe di Fiscalia Special Contra Impunidad na Quetzaltenango ora el a ser deteni memey di un ola represivo contra fiscalnan y huesnan cu tabatin funcionnan clave pa



casonan di corrupcion. Merca y Union Europeo (UE) a sanciona e fiscal general di Guatemala, Consuelo Porras, pa persecucion contra casi trinta funcionario di husticia local, entre nan Laparra y otronan cu a bay exterior cu exilio. Ademá, organisacion Amnistia Internacional (AI) ta considera Laparra como un “preso di consenshi” y a sigura cu el a ser deteni y procesa pa su labor

antimafia. Hues de Leon a afirma cu durante e huicio, cu a cuminsa 27 di mei, a establece cu Laparra “ta responsabel di e delito di revelacion di informacion reserva den grado di autor cometi contra administracion publico y administracion di husticia.” Na e ex-fiscal tambe a imponele un multa di 6,400 dollar y a keda inhabilita pa postula pa

algun funcion publico. Ademá, de Leon a dispone pa Laparra continua den prison domiciliario si ta paga 64 cen di dollar pa cada dia di condena (1,168 dollar pa cinco aña). Despues di conoce e sentencia, Laparra a declara contra sistema hudicial Guatemalteco y a afirma cu el a actua den base na ley. “Virginia Laparra ta dos biaha condena, mi tabatin dos aña

preso pa presenta denunci-anan administrativo, mi no ta arepenti,” e ex-fiscal a declara na periodistanan. “E tipo di husticia cu nos tin na Guatemala por bisa loke nan kier, mi tin mi dignidad intacto, mi no ta arepenti di ni un di mi accionnan,” Laparra a insisti, ken casi a yora ora a recorda su dos yiu den sala di tribunal. Despues cu e sentencia a bira conoci, Amnistia Internacional a critica e condena imponi na e ex-fiscal. “E condena di awe lamenta-blemente ta un ehemplo mas di persecucion pa motibonan politico impulsa pa Organismo Hudicial y Ministerio Publico contra di esnan cu a lucha contra corrupcion,” e director pa America di AI, Ana Piquer a señala. E presidente di Guatemala, Bernardo Arevalo, cu ta den poder for di januari ultimo, a purba di coregi e salida di Porras, pero ta carece di atribucionnan pa por kitele di su funcion. E fiscal general hopi cuestiona tin mandato te cu 2026.

Puerto Rico: Ta aproba 8.7 miyon dollar pa e pago di oranan extra cu ta debe na polisnan

(ElNuevoDia) - E Junta de Supervision Fiscal (JSF) a acorda concede un extension pa e uso di casi 8.7 miyon di dollar te cu 31 di december di e aña aki pa e pago di oranan extra cu miembronan di polis a traha.

No obstante, el a adverti cu nan no ta bay concede extensionnan adicional pasobra ta trata di un partida di e Fondo General asigna for di aña fiscal 2021.

“Door cu e periodo obligatorio pa reclama e pago ta vence den november di 2024, esaki ta bay bira e prolongacion final di e fondo,” e organismo fiscal a plantia como un observacion den un carta dirigi na e director ehecutivo di e Oficina de Gerencia y Presupuesto (OGP), Juan Carlos Blanco.

Tocante e transaccion, Blanco a indica cu tabatin un sobra di 8,674,678 dollar pa e pago di oranan extra na e polisnan, asunto cu nan ta trahando riba dje pa varios aña caba, no solamente pa paga e debe actual pa e concepto ey, si no tur loke tabatin acumula.



“E ta un placa cu tabata den e presupuesto for di 2021. A identifica un pot, pero mester a traha un proceso di reconciliacion. Mi a compronde cu practicamente no tabata keda nada di e oranan cu tabata atrasa. “Loke ta pasa ta cu ta sigui extende e tempo, pero su uso no mag di pasa despues di e fecha di decem-

ber 2024,” Blanco a afirma.

JSF a informa di nan aprobacion pa e uso di e placa den un carta emiti dia 28 di juni, despues cu e OGP a pidi transferencianan y extension pa e uso di e fondonan.

E Departamento di Seguridad Publico (DSP) no a detaya e cantidad di polisnan cu

ta bay ricibi e pago pa oranan extra cu nan a traha.

Sinembargo, el a provee un grafiek den cual ta detaya cu, di e aña fiscal 2020 pa 2024, nan ta spera cu nan a paga den oranan extra 331,333,853.64 dollar.

Segun e informacion brinda, den e aña fiscal 2020-2021,

nan a paga 56,168,904.46; e aña fiscal 2021-2022 nan a paga 79,110,892.27 dollar y otro 98,829,547.02 den e aña fiscal 2022-2023. Pa e aña fiscal 2023-2024, e expectativa ta pa paga 97,224,509.87 dollar den oranan extra.

E presidente di e Concilio Nacional de Policias, Fernando Soler, a muestra speransa den cu e oficialnan ta wordo paga na tempo e tempo extra cu nan a traha prome cu aña caba.

E carta di JSF tambe ta atende un peticion di e Compania di Turismo pa nan libera 7.951.122 dollar cu ta pertenece na DSP pa diferente meta, incluyendo e remodelacion di e warda di polis di e caya Loiza, compra di vehiculonan pa vigilancia di zonanan turistico y compra di uniform y ekiponan policial pa agentenan asigna na e zonanan turistico.

No obstante, e Junta no a aproba e liberacion di e fondonan pasobra Turismo no a entrega informacion solicita prome cu e fecha limite di 14 di juni.

Trinidad y Tobago: Aumento den cantidad di sangura ta trece preocupacion pa dengue y otro enfermedadnan

(TrinidadExpress) - Un aumento den e poblacion di sangura a aumenta e preocupacion tocante dengue y otro enfermedadnan relaciona cu sangura rond di e pais, cu habitantenan di comunidadnan di zuid ta bisa cu nan ta sinti abruma cu e insectonan.

Segun Dr. Lisa Indar, director di Caribbean Public Health Agency (CARPHA), cambio climatico y algun otro factor a trece un aumento di 200 biaha den e cantidad di caso di dengue den e Americas y aworaki ciudadano- y doñonan di tereno na Trinidad y Tobago ta wordo urgi pa vigila e insectonan.

Trinidad y Tobago tambe a registra e di dos morto di dengue pa e aña aki te cu aworaki.

Den e area di Woodland, sangura a cuminsa propaga cu miyones den e areanan di



awa y ta molestando esnan cu ta biba cerca di e areanan aki, habitantenan ta bisa.

“Ta malo, bo no por para pafo, sin exagera, bo pia lo ta yen di sangura,” residente Devika Singh a conta Express ayera.

“Ta realmente teribel. Nos

a cumpra malathion (un insecticida) y nos a spray, nos a yama e consehero pa bin spray pero ora nan a spray, nos no a ni holer esaki y tabata mesun cos. Nos ta spray rond di e propiedad, pero e no ta yuda,” el a agrega.

Activista Edward Moodie di South Oropouche Riverine

Flood Action Group ayera a atribui e aumento grandi na falta di pisca di awa fresco debi na un entrada di awa salo den e wetlands na 2023.

“Nan ta riba tur e areanan di wetland cu ta mas di 150 hectar, tin miyones di sangura eyan. Si bo bay eyan anochi sangura ta come

bo bibo. Normalmente nos tin un situacion di sangura na Woodland tur aña pero e aña aki tur e lagunanan tabata inunda cu pisca di awa salo. Aworaki no tin predadornan pa come e sanguranan aki pa mantene e balans. Esey ta loke ta causa e explosion fenomenal di sangura e aña aki. Ta mas o menos tres pa cuater biaha e cantidad,” el a bisa den un entrevista telefonico ayera.

Pero segun ciudadano- y representantenan, e problema no ta limita solamente na Woodland, sino cu e ta expandi riba Penal/Debe, Siparia, Princes Town, Moruga y otro regionnan.

Director di Princes Town Regional Corporation, Gowrie Roopnarine a bisa cu por lo menos shete caso di dengue a keda comproba den e area di New Grant, pero e cifra aki no por a wordo comproba independientemente pa Express.

Parokia Sta Anna a ricibi varios hoben di diferente parokia durante Misa Hubenil



Diasabra, dia 29 di juni ultimo, Pastoral Hubenil Aruba (PHA) y Pastoral Hubenil Noord (PHN) a yama bonbini na hobenan di diferente parokia. Despues di e Misa Hubenil, a sigui actividadnan social den un Club Don Bosco



completamente yen.

Prome e hobennan a haya un charla poderoso di rev. diacono Gibi titula "Hubentud y Comunidad". Despues a sigui un tremendo Hersengymnastiek,

cu PHN mes a prepara. E temanan tabata Sta. Anna, Mama Maria, Spirito Santo, Alto Vista y Beato Carlo Acutis. Di tur e gruponan cu a participa, grupo 11 tabata tin e puntuacion di mas halto y a



ricibi asina nan premio concerni.

PHN a haci uzo di e oportunidad pa estrena su T-shirt cu su logo oficial pa prome bes, ya cu e logo ta obra di Luis y

Kimberly Croes!

Cu esaki PHA y PHN ta gradici tur e hobennan cu a acepta pa bin participa na e Santa Eucaristia y e actividadnan social di parokia di Noord!

Abraham de Veer School ta celebra su 65 graduado di 2024

Diahuebs anochi a tuma luga e ceremonia di graduacion di studiantenan di Abraham de Veer School na Las Palmas Ballroom na Holiday-Inn Resort. E aña aki un total di 65 alumno a gradua.

Durante e Ceremonia di Graduacion, Minister Endy Croes a hiba palabra. Den nomber di Gobierno di Aruba, e mandatario di Enseñansa y Deporte a felicita e graduadonan. "Mayor y famia ta hunga un rol grandi den bida di e studiantenan. Tin bes e estudiante no tin e animo pa bay scol. Ta e mayor ta curasha y inspira nan yiu, paso nan kier e miho pa nan yiu pa e por logra un diploma y pa mediante di educacion etala den bida." Minister Endy Croes a expresa.

"Na e docentenan un palabra di gratitud pa guia y yuda e hobennan pa awe por a logra nan diploma," Minister Endy Croes a subraya. Na e graduadonan e diploma cu boso logra awe ta di boso, den bida boso por perde un amistad, auto of cas, pero e diploma ta di bo pa resto di bo bida, ningun hende no por kit'e di bo. Sea orguyoso di e logro aki. Mi ta curasha boso pa sigui studia, awe boso a logra un meta. Ban pone un meta mas boso dilanti y traha duro pa logr'e.



Graduacion di Colegio Santa Filomena 2024



Den Renaissance Convention Center a tuma luga e graduacion di e alumnonan di zesde klas di Colegio Santa Filomena na San Nicolas.

E anochi, cu e tema "Retro Disco", tawata bunita y anima pa meneer Addonsito Croes. Musica tawata di miniteca Genie. Cada alumno a ricibi como regalo, apart di nan certificado, un bunita recuerdo di nan scol.

Despues di a savoria un dushi plato di hotel, e alumnonan di klas 6 a presenta nan bailenan pa e publico. Na nomber di e team di Colegio Santa Filomena, cabesante Mario Nooijen y maestro Eline Ruiz-Hirschfeld a gradici cada mayor y alumno deseando nan tur exito di mundo na scol secundario. Tambe cabesante Mario Nooijen a entrega na cada maestro di e scol, un rosa como gradicimento pa nan labor di e aña aki.

Ex gimnasta Olimpico MyKayla Skinner enfrentando critica pa bisa cu SafeSport ta stroba coachnan

(AP)—Gimnasta Olimpico MyKayla Skinner Harmer ta enfrentando critica pa un video riba YouTube den cual el a bisa cu e centro Mericano pa SafeSport ta haciendo e dificil pa coachnan hacinan trabao.

Skinner, ken a gana plata riba salto durante e Weganan Olimpico na Tokio, a bisa cu coachnan “no por critica atletanan” pa miedo di ser reporta na SafeSport, cual ta un entidad independiente cu ta aborda acusacionnan di abuso for di varios curpa

gobernante den e movimiento Olimpico na Merca.

“(Coachnan) mester tin cuidou loke nan ta bisa, cual den algun manera ta hopi bon, pero na mesun momento, pa echt yega na unda bo kier den gimnasia, bo mester ta...un poco agresivo y un poco intenso,” segun Skinner.

Ta parce cu e atleta, ken a retira despues di Tokio, ta pone un liña directo entre e falta di entrenamiento estructura y mayoria di e equiponan di cinco hende muhe cu lo representa Merca na e Weganan

Olimpico na Paris.

“Banda di Simone (Biles), mi ta sinti cu e talento y e profundidad no ta manera e tabata,” Skinner a bisa. “Mi ta djis nota, obviamente hopi mucha muhe no ta traha mesun duro. Nan djis no tin e etica pa traha.”

Despues Skinner a retira su comentario, publicando riba Instagram cu e no tabata su intencion pa “ofende of falta respet di cualkier atleta of socava nan trabao duro.” Tambe el a bisa cu e no a procesa completamente e abuso



emocional y verbal cu el a experencia bao entrenamiento di ex-coordinator di e equipo nacional Mericano, Martha Karolyi.

Ex-gimnasta Rachael Denhollander, ken tabata e prome pa bin dilanti y detaya abuso sexual cometi pa Larry Nassar, u e tempo ey un dokter pa e equipo nacional, a bisa cu e comentarionan di Skinner

ta muestra con “ainda falta” pa educa hende tocante e impacto cu comportamiento abusivo por tin.

“Ora un atleta haya falta di un di e coachnan mas abusivo den historia di gimnasta, sugeriendo cu su modelo abusivo tabata necesario pa etica di trabao, e ora nos tin un problema,” Denhollander a publica riba X.

Gol anota den e ultimo minuutnan di wega ta duna RCA e titulo den Youth 17 femenino

No tin duda cu e final presencia diabierna anochi entre e damitanan RCA y Estrella den e division Youth U17 tabata uno cu hopi emocion y cu por tabata tin dos ganador. Ambos ekipo a lucha cu alma y cuerpo pa bay cu e titulo cas.

E fanaticada cu a baha masal pa stadion di Frans Figaroa na Noord a pone cu e presion riba tur dos ekipo tabata grandi. E apoyo tabata uno for di comienso di e wega te na final ora cu e referee a caba e wega. Mester bisa cu e wega tabata uno hopi pareu sigur den e prome tempo unda tanto RCA y Estrella a haya nan oportunidadnan di anota



gol, pero tanto portero Princess Tucker di Estrella y Rich Croes di RCA no a laga nada drenta nan gol. Mas cu claro mester duna credito tambe na e linea di defensa cu no a duna mucho espacio pa sor-

presa. Sinembrago den e di dos tempo, RCA a tuma e iniciativa un poco mas cu Estrella caminda nan a presiona pa habri e marcador. Den e ultimo minuutnan di e partido,



RCA ta aumenta e presion aki for di unda e gol ta cay. Un bon avance di Gen Hazel cu ta bay laga dos defensa ta pone un crus'e lastra dilanti gol y aki delantero Mia Jansen atento ta mishi cu e bala y manda esaki den gol prome cu keeper Tucker por a yega na esaki.

Asina mes Estrella ta haya

un oportunidad pa empata e wega den e ultimo seconde di wega ora cu un tiro liber di Maxienne Angela ta dal den e tubo di gol. Na e pitaso final, e lagrimanan tabata bisto tanto cerca RCA y Estrella. Deporte por ta cruel mirando cu ta un so por bay cu e titulo di campeon y diabierna anochi a toca turno na RCA.

Max Verstappen ta caba segundo tras di Lewis Hamilton den e Grand Prix Britanico

(NLTimes)—Max Verstappen a caba na segundo lugar tras di rival Lewis Hamilton durante e Grand Priz Britanico diadomingo. Verstappen a tuma decisionnan sabi durante e careda, cual a resulta den e bayendo for di cinco pa di dos lugar. Esaki ta Hamilton su prome victoria den un careda F1 desde e Grand Prix na Saudi Arabia na 2021.

Verstappen a cuminsa e careda na di cuatro lugar, cu e prome tres ocupa pa chauffeurnan Britanico George Russel (Mercedes), Hamilton (Mercedes), y Lando



Norris (McLaren). Sinembargo, e campeon reinante no a den di cuatro lugar pa hopi largo. El a core pasa Norris den e prome ronda pa pone su mes na di tres lugar.

Yobida a cay riba e pista di e circuito di Silverstone, cual a pone algun equipo cambia

nan strategia. E auto di Verstappen a experencia dificultadnan prome cu a temporada di yobida, y esaki a muestra ora el a ser pasa pa ambos chauffeur McLaren, poniendo e na di cinco lugar.

El a tuma e decision pa cambia taira pa intermedionan pa

asina maneha e yobida prome cu e prome cuatro chauffeur haci mescos. El a keda na e mesun posicion prome cu el a yega na e pit stop.

E decision a prueba beneficioso pa Verstappen como e pit stop di e prome cuatro chauffeur a caba den Verstappen na di tres lugar. Russel, ken a persigui Verstappen for di e di cuatro lugar, mester a retira for di e careda durante e di 34 ronda, dunando Verstappen lugar pa hala rosea tras di dje y mas tempo pa enfoca riba atacando e prome dos, esta Hamilton y Norris.

Su vehiculo di Red Bull a

haya taira duro durante e di 39 ronda, prome cu e ultimo parti di e careda. Esaki a yuda Verstappen pasa Norris den e di 48 ronda cu cinco ronda mas pa bay. Pero Hamilton nunca tabata den peligro pa perde su lugar, y el a core bay cas pa gara e victoria.

Verstappen ainda ta den e ranking di F1 a pesar di no gana su ultimo dos careda. E tin 255 punto. Lando Norris ta su competencia mas cerca cu 171 punto.

Potret di Sander Koning pa ANP.

Skirbi pa Gregorio Wolff

Nos Geo-politica, straño y bruha. Fin di guerra na Ucraina? Parti II

Despues di e golpi di Estado pa baha Janucovich, desaster na Ucraina

E gobierno nobo a pasa yen di leyman contra esnan cu ta papia Ruso y despues a cuminsa un guerra total contra Ruso-Parlantenan, na Donbas, cual ta consisti di e provincianan Luhansk y Donetsk. Habitantenan di Luhansk y Donetsk a rebeldia y nan a forma nan gruponan arma y a cuminsa un guerra contra e gobierno di Ucraina, sigur cu apoyo di Rusia.

Total a muri na Donbas como 14 mil Ruso-parlante, mayoria Muhernan y Muchanan.

Na augustus 2014, despues cu Ucraina a sufri un derota, a firma e acuerdo di Minsk I, 5 september 2014. E acuerdo no a stop e guerra y despues cu na januari 2015 Ucraina a sufri otro derota grandi y dia 12 februari 2015 a firma Minsk II. E acuerdonan ta encera mas autonomia pa e Ruso-parlantenan na Donbas. E paisnan cualnan lo para garante pa e acuerdonan wordo cumpli, tabata gobiernonan di Alemania, di Francia, di Ucrania y lidernan di e republicanan proclama di Donetsk y Luhansk. Tambe e acuerdonan a ricibi aprobacion di CSNU.

Despues na 2022/2023 e presidentenan di Alemania, di Francia y di Ucrania, kendenan a firma e acuerdonan di Minsk, tur a declara cu nan a firma e acuerdonan pa duna Ucraina mas tempo pa por prepara su mes militarmente.

Rusia dia 17 december 2021 a manda un carta na e paisnan di NATO pa sinta na mesa,



pa papia ariba e posicion di seguridad pa Rusia y tambe pa respeta e acuerdonan di Minsk. Rusia a ser ignora totalmente y ta invadi Ucraina na februari 2022.

Na april 2022 Rusia y Ucraina a yega na un acuerdo. Den corto esaki ta encera cu Ucraina nunca lo bira miembro di NATO y ta bay pone e acuerdonan di Minsk den ehecucion. Boris Johnson cu aprobacion di Biden a biaha bay Kiev y ordena Zelensky pa no firma ningun acuerdo cu Rusia y continua cu e guerra. Ucraina lo ricibi tur apoyo militar di NATO.

E conferencia di Zelensky na Suisa a fracasa
E conferencia di Zelensky na Suisa no por a duna resultado. Hasta e idea original pa un resolucion a base di e formula di Paz di Zelensky esta e capitulacion di Rusia no tabata ariba e agenda. Mayoria di discursonan di lidernan politico specialmente for di Europa, tabata pa continua ariba trahamento di un formula pa

crea un proceso di paz.

Tabata di comprende tambe pasobra na mayoria di paisnan unda algun siman prome, e partidonan di gobiernonan cualnan a duna apoyo grandi na Ucraina, a perde den e eleccion pa parlamento Europeo. Pues tabata dificil pa nan fiha un posicion. Maske mester bisa cu e parlamento Europeo ta e unico parlamento na mundo cu no por traha ley. Ta e comision Europeo ta percura pa e leyman y mayoria di decisionnan.

Zelensky ta prepara un otro plan pa termina e guerra
Durante un conferencia cu e presidente di Slovenia diabierna 28 juni, Zelensky ta anuncia un otro plan pa termina e guerra.

E lo trece e plan pa su partnernan y a bisa ta bon pa mayoria di mundo acepta su plan via canalnan diplomatico. Su plan bieu di november 2022 a ser rechasa redondamente pa Rusia. Zelensky a bisa cu e no kier pa e guerra

sigui, pero Ucraina mester ta fuerte ariba e campo di bataya, su plan ta cla prome cu fin di 2024. Su plan di paz lo ser negocia via canalnan diplomatico, hunto cu su amigonan. E declaracionnan aki Zelensky a haci despues cu un dia prome e a firma un pacto di seguridad cu UE, mesun pacto cu e a firma cu Merca pa Ucraina sigui ricibi ayudo financiero y militar a largo plaso. Esaki, en bista si Trump gana e eleccion presidencial na Merca.

E guerra ta sigui, pero yegando su fin
No tin speransa pa Ucraina saca un mihor posicion. Mas e guerra dura, mas debil su posicion ta bira y ta wordo bisa cu hasta Ucraina por desaparece.

Na final di 2022 Rusia a analisa su situacion militar, tabatin un falta grandi di militar, nan a trece leyman pa engrandece e ehército Ruso. Na final di 2023, como 400,000 soldaat, bon entrena durante 7 luna, cu e armanan moderno, cu

tankinan di guerra nobo y otro armanan sofisticada, a drenta den bataya. Esaki a duna resultado cu e aña aki tur bataya ta ser gana rapidamente y Rusia ta avansando. Rusia un biaha mas e aña aki, ta cla pa hinca algun 100,000 soldaat nobo den e lucha na Ucraina. Di otro banda tin Ucraina cu falta di militar, falta di arma y equiponan militar. Hopi comentaristanan for di campo di Bataya, kendenan ta wak e realidad, ta di opinion cu nos ta na bispo di un collapse di e ehército di Ucraina.

Si nos tuma na consideracion e derotanan politico den eleccionnan na Alemania, na Francia, na otro paisnan di e amigonan di Zelensky y e derotanan cu ta biniendo na Inglatera y Merca, segun e comentaristanan, tempo ta cabando pa Ucraina, no ta keda nada otro pa negocia cu Rusia a base di e proposicionnan di Rusia.

Na 2014, Ucraina a perde Crimea. Segun e acuerdonan di Minsk y esun di Istanbul, Donetsk y Luhansk ta ricibi mas autonomia, pero ta keda parti di Ucraina, pero rechasa pa Ucraina y e guerra ta sigui. Na september 2022, Donetsk, Luhansk, Zaporizhzhia y Kherson, 4 provincianan ta vota pa bira parti di Rusia. Si e guerra sigui, Kharkif y Odessa tambe cu poblacionnan Ruso-parlante, por scoge pa bira parti di Rusia.

Pa Ucraina e apoyo di NATO no a, ni lo duna ningun resultado, mas liher nan yega na un acuerdo cu Rusia pa para e guerra, mas mihor pa nan, pa nan no perde mas teritorio.

Skirbi pa Robert Arends

Pakico 1 minister en bes di 3 minister?

E sugerencia pa Aruba (cu ni 200,000 habitante compara cu un Hulanda cu casi 20,000,000 habitante) tin solamente un minister encarga cu tur asunto di e “ser humano” ta pasobra cualkier decision den un di e periodonan di ta afecta e ser humano den henter su bida.

Aruba mester pone un minister so responsabel pa e por evalua su decisionnan bon y

carga e responsabilidad ora e mester tuma decision cu ta afecta finalmente tur ciclo di bida di e “Ser Humano”.

Decisionnan tuma pa un minister so lo ta miho balansa (teniendo cuenta cu tur e ciclo di bida) y lo ta tuma di forma mas rapido sin ta depende di un otro Minister. Ademas, ta e empleadonan publico ta encarga/haci e trabou y no e minister, un minister t’ey pa tuma decision y

guia e trabou politicamente a base di leyman.

Bou di cada ministerio tin e departamentonan cu nan director y den e departamentonan tin e diferente servicionan cu nan hefe. Djis como ehempel: e ministerio di “ser humano” ta consisti di e “departamento di Salud”, e “departamento di Enseñansa/Cultura/Deporte”, e “departamento di Labor” y e “departamento di Asuntonan

Social”.

Cu e forma di estructura aki e minister ta dispone di mas especialista/experto cu e minister por envolvi/usa den tur su departamentonan si ta necesario.

Pa e empleadonan publico di e ministerio ta habri asina mas posibilidad di crece den nan trabou.

Aruba mester stop di copia

structuranan di Hulanda. Finalmente Aruba—cu su tamaño y su posibilidadnan financiero—lo por logra ministerionan mas adecuado, mas efectivo cu Aruba tin awor aki cu rendimiento mas haltu y costando e pagado di belasting menos placa.

Menos gasto di Gobierno ta hiba e ciudadano di Aruba na paga menos belasting y e ciudadano e ora ey ta logra keda cu mas cen den saco.

Chauffeur coriendo auto sin seguro a bay dal tras di otro auto na Jaburibari

Diabierna atardi a drenta informe di un accidente cu hende herida na Jaburibari, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente unda e chauffeur di e Toyota Altezza coriendo cu e auto sin seguro no a regula su velocidad ni a mantene distancia a bay dal tras di e Hyundai Accent cu tabata su dilanti.

Na yegada di e ambulans nan a atende e chauffeur y a transporte pa hospital.



Chauffeur sin rijbewijs involvi den un accidente cu basta daño material na Tanki Leendert



Diabierna atardi a drenta informe di un accidente dilanti Chalo Burger na Tanki Leendert, mesora a dirigi un patruya na e sitio.

Na yegada di e patruya a bin

compronde cu aki ta trata un accidente semi-frontal cu basta daño material y un di e chauffeurnan involvi no tin rijbewijs. Aunke e impacto tabata fuerte afortunadamente ningun hende a resulta herida.

Chauffeur a sconde despues di accidente

Diabierna atardi despues di e accidente na Macuarima. E chauffeur cu a agredi e dama a bandona e sitio y a bay sconde e auto patras di su cas.

Polis a nota cu e auto ta scondi patras y a pita pa e chauffeur sali pero e no kier a sali. Un persona di edad a sali pafo y polis a bis'e cu si e chauffeur no sali e ta confisca e auto unda e tin'e scondi.

Como cu no por a haci otro na final polis a laga takelwagen saca e auto y bay cu e auto warda di polis na Santa Cruz pa asina esun responsable tras stuur para pa su actonan.



Despues di a dal den auto na Macuarima a sigui cu agresion



Diabierna atardi a drenta informe di un accidente na Macuarima, mesora a dirigi un patruya na e sitio.

Na caminda pa e sitio a dren-

ta otro informe di cu agresion a cuminsa na e sitio di accidente. Na yegada di e patruya ya e otro partido a bay caba. Pero e dama a keda herida y a pidi ambulans p'e.




Accidente pa falta di preferencia na Hooiberg

Diabierna merdia a drenta informe di un accidente na Hooiberg, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu e chauffeur di e Yaris preto no a duna e otro Yaris preferencia y nan a dal den otro. Afortunadamente ningun hende a resulta herida.



Adictonan ambulante a purba drenta den Bestuurskantoor



Diabierna madrug a ricibi informe di cu adictonan ambulante lo ta drentando den Bestuurskantoor, mesora a dirigi patruyanan na e sitio.

Na yegada di e patruya a bin haya un porta simplemente habri y nan a cana drenta paden pero no a nota nada particular. Un rato despues a topa cu un guardia di C.E.A. cu a bisa cu e no a topa nada irregular.

Bus di tour a bay dal tras di auto di huur kibra su backshield

Diabierna mainta a drenta informe di un accidente na e rotonde dilanti airport, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu e chauffeur di e bus di tour a bay dal tras di un auto di huur y kibra e backshield di e auto. Afortunadamente ningun hende a resulta herida.



Chauffeur di un pick-up a reverse dal e chevrolet su tras

Diabierna merdia a drenta informe di un accidente dilanti Jontai na Piedra Plat, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu e chauffeur di un pick-up a bay reverse y a bay dal riba e Chevrolet para su tras. Afortunadamente ningun hende a resulta herida.



Chauffeur a subi e barancanan banda di Citgo na L.G. Smith blvd

Diabierna madrug a drenta informe di un accidente na e barancanan banda di Citgo na L.G. Smith blvd., mesora a dirigi un patruya na e sitio.

Na yegada di e patruya a bin compronde cu e chauffeur di e Nissan Almera no a tene na cuenta cu e birada y e barancanan y a bay dal den dje. Afortunadamente ningun hende a resulta herida.



Homber local a bira malo den lama y a fayece na Boca Catalina

Diahuebs mainta a drenta informe di cu un hende a bira malo den lama y no ta reacciona na Boca Catalina, mesora a dirigi tanto polis como ambulans na e sitio.

Na yegada di e patruya a bin encontra cu e victima na canto di lama y hendenan tabata purba re-anime cu CPR pero sin ta logra. Na yegada di e ambulans nan a sigui cu e procedura di CPR pero sin resultado.



Na dado momento a stop y a pidi presencia di un dokter cu a constata morto di Lodrico Briesen di 59 aña.




Polis a detene chauffeur burachi cu a ocasiona un accidente na Bubali

Diabierna madrug a drenta informe di un accidente na Bubali, mesora a dirigi un patruya na e sitio.

Na caminda pa e sitio a bin compronde cu e chauffeur a bay for di e sitio. Polis a logra topa e auto y a atende cu e chauffeur. A bin resulta cu e tabata burachi y polis a detene.



Un homber ta fayece despues di problema



Diaranson pa 7:50 di anochi central di polis ta wordo notifica di un brinamento cu lo ta bayendo for di man na un cas na Pindastraat.

Central ta despacha diferente

unidadnan di polis na e sitio di e susedido. Na yegada di e prome patruya ta bin encontra cu un hende homber cu un herida na cabez y no tabata reaccionando. A pidi pa ambulance cu maximo urgencia. Na e sitio e personal di am-

bulance ta trata e victima pero lamentablemente no por a haci nada p'e victima.

E victima un hende homber Esdras Daniel Tejada naci dia 07-01-1989 (35 aña) na Republica Dominicana. A haci

dos detencion na e sitio. E prome detencion ta relaciona cu e caso y e di dos detencion ta pa stroba trabao di polis. Na e sitio a presenta departamento di recherche, polis tecnico como departamento di slachtofferhulp.

Cuerpo Policial ta haci un apelacion na es cu a wak algo of sa algo pa yama e tiplijn di polis cu ta 11141. Bo ta keda anonimo.

Informe di hoben cu tiro den bariga na Madiki a resulta falso

Diaranson atardi a drenta informe di cu tin un hoben cu lo a ricibi un tiro na Madiki patras di Riverplate, mesora a dirigi varios patruya y ambulans na e sitio.

Na yegada di e patruya nan no a bin encontra cu nada. Polis y ambulans a check rond pero no a haya nada. Na final a bin descubri cu aki ta trata di un informe falso.



Mucha di 10 aña herida y sangrando hopi despues di a accidenta cu UTV na Boca Wariruri



Diaranson merdia a drenta informe di un accidente cu hende herida na Boca Wariruri, mesora a dirigi tanto polis como ambu-

lans na e sitio.

Na yegada di e patruya a bin compronde cu aki ta trata di un accidente unda un UTV a

bolter y un mucha di 10 aña a resulta herida sangrando hopi. Na yegada di e ambulans nan a atende e mucha y a transporte pa hospital.

Kiebro y ladronicia na un cas na Bilderdijkstraat



Diaranson mainta a drenta informe di un caso di kiebro y ladronicia na un cas na Bilderdijkstraat, mesora a dirigi un patruya na e sitio.

compronde cu aki ta trata di un caso unda cu desconocidonan a kibra drenta y horta na e cas. Polis a tuma e keho y a pasa e investigacion pa recherche di distrito 1 (Oranjestad).

Na yegada di e patruya a bin

2 Mucha a yega na Verano pididendo ayudo bisando cu nan omo lo a agredi nan



Diabierna anochi a drenta informe di cu 2 mucha a yega na un cas na Verano pididendo ayudo ya cu nan omo lo a agredi nan, mesora a dirigi un patruya na e sitio.

Na yegada di e patruya nan a bin compronde cu nan omo lo a agredi nan. Polis a intermedia den e asunto y a mostra nan e caminda pa nan cana y cu si nan kier por entrega keho na recherche.



Polis a bay Nijhoffstraat pa 3 mucha menor di edad nan so sera den cas

Diaranson mainta a drenta informe di cu tin 3 mucha menor di edad sera nan so den un cas na Nijhoffstraat, mesora a dirigi un patruya na e sitio.

Na yegada di e patruya a bin

topa cu e 3 muchanan nan so y polis a bay cu nan na warda di polis pa ora e mayornan presenta na warda di polis, duna nan un merecido scual y tambe pa informa Voogdijraad di e sucedido aki.



Plan vacacional di Centro di Barrio Playa Pabao



Directiva di Centro di Barrio Playa Pabao ta anuncia cu e aña aki atrobe nan ta organisa nan “plan vacacional”. E actividad aki ta cuminsa dialuna 22 di juli y ta termina diabierna 2 di augustus cu un actividad social pa henter famia.

E programa ta consisti di weganen recreativo tanto paden

cu pafo, Community Pool, rond trip pariba y pabou di brug, ban hisa fli, show di judo y hopi actividad mas pa entretene nos muchanan. Mayornan por inscribi nan yiu na Centro di Barrio Playa Pabao tur dia, mainta di 8’or pa atardi 6’or. Lo cobra e suma di Ffl 100.00 florin (pa dos siman) pa mucha cu ta encera tur cos. Tur mainta 10’or e muchanan

ta ricibi un sandwich y juice. E actividad aki ta pa muchanan di 4 aña pa 12 aña. Pa motibo organisatorio e ultimo dia pa inscribi ta diabierna 19 di juli. Directiva di Centro di Barrio Playa Pabao kier a recorda mayornan pa inscribi nan yiu na tempo pa asina nan no tin di bay riba lista di espera.

Un informacion importante ta cu portanan di nos centro durante nos “plan vacacional” ta habri mainta 8or y pa 12or PM mayornan por bin busca nan yiu. Desde awor caba Directiva di Centro di Barrio Playa Pabao ta desea nos muchanan di Playa Pabao y di Aruba en general un dushi vakantie.

Samuel Sarmiento cu exposicion ‘Chants from overseas’ na biblioteca

Artista Samuel Sarmiento ta presenta un exposicion special na biblioteca. Titulo di e exposicion ta: ‘Chants from overseas’ (Poetics and contemporary visions through Ceramic in the Dutch Caribbean) y esaki ta habri dia 10 di juli, 2024, 7pm na Biblioteca Nacional Aruba.

Esaki lo ta habri pa publico pa 3 siman. Samuel ta crea diferente tipo di obra manera escultura, obranan di ceramica, dibuho, cuadro y mucho mas. Pa muestra su aprecio Samuel a duna biblioteca un di su obranan regalo. Esaki ta bira parti di coleccion di obra di arte na Biblioteca Nacional Aruba como arte publico. Publico ta bon bini pa wak e exposicion cu ta habri te fin di juli durante orario regular di biblioteca.



VOG: Yamado na studiantenan




























Ministerio Publico ta haci un yamada na personanan cu ta bay establece nan mes na Hulanda of otro paisnan den exterior den e zomer aki, pa pidi nan carta di buena conducta (VOG) na tempo.

En special studiantenan cu posiblemente mester nan VOG pa nan (por chempel) inscribi na scol of busca un job. E decision pa cu e VOG

ta dura 2 siman of 14 dia, pues ta importante pa percura pa aplica pa e VOG mas cu dos siman prome cu e dia di vuelo.

Por aplica pa e VOG via www.omaruba.com, cu ta website di Ministerio Publico. E ta costa 40 Florin. Un biaha mas, tene cuenta cu e decision pa e VOG ta dura dos siman. Pues no warda mucho largo pa aplica!

| | | | |
|---|--------|--|----------|
| Resultado Sorteo Juli 08 | |  | |
| Cadena Alexander Lottery ta presenta resultado di weganan di suerte | | | |
| DIARIO | KORSOU | SUPER4 | FLAMINGO |
| 4629 | 7480 | 4000 | 6066 |
| 0398 | 0412 | SUPER5 | 9730 |
| 6666 | 5958 | - | 9833 |

| | | | | | | | | | | | | | | | | | |
|---|---|---|---|-------|--------|-----------------|--|-------------|--|----------------|-----------------|----------|-----------|-----------------|-----------|----------------|--|
| MERDIA | ANOCHI | | | | | | | | | | | | | | | | |
|  Sorteo # 4320 3818 6356 4750  FP  Sorteo # 4320 4218  FP  Sorteo # 2376 7940  Sorteo # 4320 4939 Sagitario  Sorteo # 1194 521  X2 |  Sorteo # 8288 9779 1258 8905  X2  Sorteo # 7332 7738  FP  Sorteo # 2037 4622  Sorteo # 6091 6480 Virgo  Sorteo # 1021 241  X2 |  Sorteo # 0 x Jackpot 0 x Match 4+ 0 x Match 4 0 x Afl. 12,00  Sorteo # 6526 0 x Jackpot 3 x Match 4 187 x Afl 8,00  Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00   Sorteo # | <table><tr><td>Joker</td><td>Letter</td></tr><tr><td colspan="2">Proximo Jackpot</td></tr><tr><td colspan="2">1.500.000,-</td></tr></table> <table><tr><td>04-11-13-24-27</td></tr><tr><td>Proximo Jackpot</td></tr><tr><td>79.000,-</td></tr></table> <table><tr><td>Mega Ball</td></tr><tr><td>Proximo Jackpot</td></tr><tr><td>340.000,-</td></tr></table> <table><tr><td>Afl. 440.000,-</td></tr></table> <table><tr><td></td></tr></table> | Joker | Letter | Proximo Jackpot | | 1.500.000,- | | 04-11-13-24-27 | Proximo Jackpot | 79.000,- | Mega Ball | Proximo Jackpot | 340.000,- | Afl. 440.000,- |  |
| Joker | Letter | | | | | | | | | | | | | | | | |
| Proximo Jackpot | | | | | | | | | | | | | | | | | |
| 1.500.000,- | | | | | | | | | | | | | | | | | |
| 04-11-13-24-27 | | | | | | | | | | | | | | | | | |
| Proximo Jackpot | | | | | | | | | | | | | | | | | |
| 79.000,- | | | | | | | | | | | | | | | | | |
| Mega Ball | | | | | | | | | | | | | | | | | |
| Proximo Jackpot | | | | | | | | | | | | | | | | | |
| 340.000,- | | | | | | | | | | | | | | | | | |
| Afl. 440.000,- | | | | | | | | | | | | | | | | | |
|  | | | | | | | | | | | | | | | | | |



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14
Tel. 297-582-2219

Fax 588-3376

Famia Planea (SBVO)

Avenida Milio J Croes 17
B Aruba

297-588-9591

www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm **24 ora**

Botica na warda

Oranjestad: San Nicolas:
Dakota San Lucas
Tel. 588 7364 Tel. 584 5119

EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

**Aruba Transfer Tour &
Taxi C.A.**
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Hatch ta pidi pa debilbe casi 1 miyon adapter bendi cu mashin di zonido pa baby



**(AP) - A causa di un peli-
ger pa shock, un compa-
nia na California ta pidi-
endo pa entrega casi 1 mi-
yon adapter cu mashin di
zonido cu ta promovi pa
yuda babynan y muchan-
an chikito drumi.**

E plastic rond di e adapter cu ta bini cu algun di Hatch Rest su mashin di prome generacion por kita ora di move e producto for di outlet, lagando parti su e producto exponi segun U.S Cosumer Product Safety commission a bisa. Esaki ta aumenta e riesgo di shock electrico.

Tin 19 rapport di e cobertura di plastic y con esaki ta kita, incluyendo dos incidente unda e clientenan a ricibi un shock electrico menor, CPSC a bisa den un notificacion riba diaranson.

E yamado aki ta especificamente na e adapter cu Jiangsu Chenyang Electron Co. a provee, segun Hatch a bisa den un anuncio di e compania, agregando cu e no lo traha cu Jiangsu Chenyang pa su productonan mas.

Hatch, basa na Palo Alto, tambe a nota cu e problema ta solamente cu e adapter cu ta compania e mashinnan aki, no e dispositivo mes. "Na momento cu dunan un reemplazo di e adapter, e dispositivo ta safe pa sigui usa," e compania a splica.

Mientrasanto, e consumidornan cu tin e adapter cu fayto ta urgi pa stop di usa esaki inmediatamente. E adapternan aki, cual a ser fabrica na China, por ser reconoci pa su number di modelo: CYAP05 050100U.

E adapter en cuestion ta ser bendi cu e mashin Rest



1st Generation riba Hatch. co, ademas di e bendedornan grandi manera Target y Walmart entre januari 2019 y september 2022. Algun tambe a ser bendi riba Ama-

zon durante mei di 2024. E mashin en cuestion ta produci zonido of canticanan pa yuda babynan y muchanan pega soño, algun te hasta ta inclui un luz.

Pronostico di tempo

Tempo:

Awe tardi y awe nochi: parcialmente nubia cu un awasero breve
Den marduga y mañan: variablemente nubia cu algun awasero breve

Temperatura maximo 34 grado Celsius
Temperatura minimo 28 grado Celsius
Indice di calor (heat index) den y rond di oranan di merdia: 35 pa 40 grado Celsius
Uv index: 12

Bahada di solo : 7:10pm
Subida di solo : 6:20am

Biento:

Moderate te basta fuerte for di generalmente direccion oost; forsa 4 te 5 (20 te 39 km/ora, 11 te 21 nudo).
Durante di dia fuerte te posiblemente duro den rafaga; forsa 6 te 7 (40 te 61 km/ora, 22 te 33 nudo)

Situacion general di tempo: Un ola tropical ta moviendo den area oost di Caribe y lo pasa bay cu mayoria di weer noord di region local. Sinembargo, esaki lo induci momentonan cu mas nubia



y produci algun awasero local durante e periodo di pronostico aki.

Di otro un banda por bisa cu stof di Sahara lo bay stroba e visibilidad un poco y trece aire di calidad abou. Ta sugeri personanan cu tin condicionnan respiratorio pa tene esaki na cuenta.

Condicionnan maritimo/ estado di lama:

Na partinan protege di costa: keto, rond di 1 pia.
Na partinan zuid: tranquil te modera entre 2 pa 3 pia.
Na partinan oost te noordwest di costa: generalmente modera cu olanan alrededor Di 4 pa 6 pia.



Aurora
Royal Pray
Funeral Home & Crematory
Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur bunita.

Nos ta anuncia fayecimento di:

Ramona Boekhoudt-Kelly
Mihor conoci como:
Tanchie, Mona y Dudu
*05-10-1949 - †06-07-2024



Mayornan: †Marcelino y †Luisa Kelly-Leon
Casa: †Candido Boekhoudt
Na nomber di su:
Yunan: Carlos Boekhoudt y Yethsy Poole
Jessica y esposo Juan Carlos Ramirez
Nietanan stima: Jesslyn y Jazmin Boekhoudt Ramirez
Rumannan: †Pedro Kelly
†Pascual Kelly
†Marsila Kelly
Maximon y Susana Kelly-Geerman
Maria Kelly
Filomena Kelly
Salvador "Loy" Kelly
Justina Kelly y Junior Tromp
Mario Kelly y Lilian Hellement y yiu

Mescos cu ruman: Modesto, Lucia, Martin, Elio, Jackelin, Gilbert, Marianita Geerman
Sobrinonan: Natalie Tromp y Rigo Tromp, Fernando y Tanaika Tromp-Cleef, Samiah, Siarah, Jayden, Jayven, Yadi, Yuli
Comadre: Luz Marina Rodriguez
Bisiñanan: †Ismael, Gonnice, Mireya y famia
Tony cu Carmen
Cuña y swanan: Mathilda Paskel,
Buchi Boekhoudt
Juanita Boekhoudt
Selsa Boekhoudt
Chanita y Bea

Demas famia: Kelly, Boekhoudt, Tromp, Ramirez, Leon, Hellement, Geerman, Rasmijn, Loepstok, Maduro, Romblly, Fingal, Thiel, Kock, van Cleef, Lampe

Ta invita pa e acto di despedida cu lo tuma lugar diaranson 10 di juli 2024 na misa Inmaculada Concepcion na Sta Cruz di 9:00 pa 11:00 am. Cremacion lo tuma lugar den seno di famia.

Aurora
Royal Pray
Funeral Home & Crematory
Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Mi a lucha e bon lucha, mi a kore e
Kareda te na fin I mi a mantene mi fe.
2 Timoteo 4: ver 7

Nos ta anuncia fayecimento di:



Ricardo A. Tromp
Mihor conoci como: "Richard"
*22-11-1941 - †05-07-2024

Acto di entierro lo wordo anuncia despues.

Aurora
Royal Pray
Funeral Home & Crematory
Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Agradecido na Señor nos Dios pa tur bendishon ricibi y pa por a comparti un bunita bida yena di amor y felicidad cu tur mi sernan keru.

Conforme cu boluntad di Dios, famia ta anuncia fayecimento na edad di 96 aña di:

Sra. Veronica Huberta
Dirksz – Boekhoudt
~ Janda ~ Oma ~
Jonka
* 29-04-1928
† 05-07-2024
Vuida di señor Marco
Dirksz



Yunan: Gretha Maria y Esteban Thiel
Yvonne Veronic y Anthony Lacle
Astrid Zoibert Dirksz
Winifrida Angrieta Dirksz
Marco Roland Anthony (Renny) y †Choy Dirksz

Nietanan: Nerissa Veronic Lacle y Lex Bouwer
Josephine Antoinette Lacle y Robert Tromp
Laura Jade Veronic Dirksz, Yuart Sleur y baby Jace Julian
Nieto: Armand Antoine Lacle y Marielle Hordijk

Rumanan: †Francisca (Lie) Boekhoudt
†Juanita (Ninita) Boekhoudt
†Alejandro (Janjo) y Betty Boekhoudt
Hendrika Boekhoudt
Vicente (Kees) y Solange Boekhoudt

Sobrinonan: Raymond y Jaidy Boekhoudt y famia
Mariska y Michael Lin y famia

Alvin y Jessica Boekhoudt y famia
Gweny Lissapaly y famia
Meredith y Richard Gibson y famia
Tamara Boekhoudt

Primanan di cas: Katrien Hernandez, Lucia de Freitas-Lacle y Ina van Ierland-Lacle

Amistadnan: Judith, Lienchi, Roosje, Mena y Jaap, Jacintha, Vicky, Jasmine, Pedrito, Janine, Oswald y Cyrielle, Ebby y Noelle.
Tur su ihanan, primo y primanan, su bisiñan y su demas famia: Dirksz, Boekhoudt, Thiel, Lacle, de Mey, Coronel, Hernandez, Luidens, Jansen, Wong, Bouwer, Tromp, Hordijk, Sleur.

Un danki special na Sra. Sharlene Hassell y su team di verpleegsters na Wit Gele Kruis, Dr. Rasmijn, Dr. Petronilla, Dr. Weiser, y dokternan y verpleegsters di HOH B3.

Ta invita tur famia, amigo, bisiña y conocirnan di nos kerida Mama y Oma stima, pa acto di despedida cual ta tuma lugar diahuebs 11 juli 2024 di 9'or pa 11'or di mainta na Aurora Funeral Home y despues pa lugar di sosiego na Santana Catolico Pastoor Kraanwinkel na Paradera.



Cu profundo tristeza Directiva, Staf y Personal di CBNA y Lotto ta anuncia fayecimento di

Patrick Alvin Arnold Thodé

Na bida doño di
Thodé Lottery

Nos mas profundo palabranan di
condolencia ta bay na henter famia



Cu honda pena nos ta anuncia fayecimento di

Señor Marcel G.A. van der Leyde

Tata di nos Colega Mr. Jurgen van der Leyde

Hunta di Commissario, Gerencia, Staf y personal di AIB BANK N.V. ta desea forsa y na mes momento nos profundo condolencia na Jurgen y henter famia.

AIB BANK N.V.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Cerca Dios mi alma ta na paz, ta di DJ'E mi salbacion ta bin”
Salmo 62:1

Cu dolor na nos curason, pero conforme cu boluntad di Dios, nos ta participa fayecimento di nos ser stima:



Patrick Alvin Arnold Thodé
Cariñosamente yama “Boeboei”
*25-09-1965 - †02-07-2024

Na number di su:

Casa: Johanna Thode-Enciso Ocaño

Mama y Tata: Thersita Thodé-Tromp y †Hilario Thodé

Yiu: Jonathan Thode

Manera yiunan: Eniyojana Camacho

Manera nieta: Hadasah Solano Camacho

Rumannan: †Michael Thodé y Lilian Thode Werleman
Aldrin Thodé y Deysi Thodé-Alarcon
Guzman

Manera ruman: Feli y Ronnie

Swa y Cuñanan: Isaias Enciso
Rodolfo Enciso y esposa
Marisol Enciso y esposo
Maruleida Enciso y esposo
Emel Enciso y esposa
Jose Enciso

Omo y Tantan: †Francisco Thodé, †Edna Thodé y Famia,
Maria Elisabeth Tromp-Thodé y Famia, Francisco Abelino
(Lino) Thodé y Telma, †John Ronald Thodé, Evaristo
(Victor) Thodé y Famia, †Jose Tromp y Famia, Emiliano
Tromp y Famia, †Jacinto Tromp y Famia, Juliana Gil-
Tromp y Famia, †Celpha Tromp, †Mariano Tromp y Famia,
†Ascencion Tromp y Famia, †Eduardita Gil-Tromp y Famia,
Clea Farro y Famia, †Antonio Farro

Amiga(o)nan mas cerca: Paola van der Biezen
Tinchi Farro
Felix Fermin

Sobрино- y Sobrinanan: Lychael Thodé, Dylan Thodé,
Sandrick Henriquez

Primo- y Primanan stima y conocirnan, Compañero nan
di futbol Hooiberg Vets, Coleganan di Clean Up Cleaning
Services

Demas Famia: Thodé, Tromp, Farro, Alarcon Guzman, Gil, .

Condolencia lo tuma lugar na Aurora Funeral Home Diamars
9 di Juli 2024 di 7,or pa 9'or di anochi.

Ta invita pa asisti na e acto di entierro cu lo tuma lugar
Diaranson dia 10 di Juli 2024 di 2 or pa 4 or di atardi na
Aurora Funeral Home. Cremashon lo tuma lugar den seno
familiar

Si den nos tristesa nos por a lubida un of otro familiar y
conocer nos disculpa.

Nos ta lamenta cu despues di entierro nos no por ricibi bishita
di condolencia na

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Señor ta mi wardador, mi'n tin falta di nada
Salmo 23

Cu inmenso tristeza pero conforme cu boluntad di Dios,
nos ta anuncia fayecimento di nos Rey:



Sr. Dominico Polinario
Bermudez
Mihor conoci como Do/Omo
DO.

Na number di su

Casa: †Theodora Bermudez-Tromp
Yiunan: Ruben (Ben) y Sharine Bermudez-Felida
†Dominico (Tico) Bermudez
Rudolf (Dolfi) Bermudez y Joa

Beke
Alfredo (Freddy) y Soraida
Bermudez-Maduro
†Theodor (Win) y †Magriet
Bermudez-Geerman
Orlando (Lando) Bermudez y
Maria Valencia Vargas
Carlos (Caluchi/Calucho)
Bermudez y Sandra Alzate Perilla

Nieto- y nietanan: Ruben, Shurdyene, Kyra, Sharissa,
Jeffrey, Patrick, Priscella, Giancarlo, Déanthy, Kyara,
Arnalda, Karen y Jacqueline.

Bisa nieto- y nietanan: Angeline, Alexander, Alexienne,
Latysa, Serenity, Faryenne y Farenio.

Rumanan: Francisca (Fan) Eckmeyer
Theresa Eckmeyer
Eckmeyer †Emiliana (Mimi) Evertsz-
Eckmeyer Filomena (Mena) Tromp-
†Jacintho (Chin) Eckmeyer

Manera Ruman: Irmin Kingsale
Swa y Cuñanan: Filomena (Mena) Orman-Tromp y famia
†Estefanus (Pa) Tromp y famia

†Juan Tromp y famia
Margo Kock y famia
Pina Figaroa y famia
†Emiterio Webb y famia
†Esteban Figaroa y famia

Amigo/Amiganan di cas: Mena Orman-Tromp, Nel Bergrok,
Edgar (Ga) Bergrok, Oscar (Osca) Bergrok y Elvis Holsman

Bisiñanan di Boegoeroei, Amigo- y amiganan, primo- y
primanan, comer y compernan, amigonan di piscamento y
demas famia Bermudez, Croes, Daemen, de Cuba, Eckmeyer,
Evertsz, Felida, Figaroa, Frank, Franken, Giel, Jeand'or, Kelly,
Maduro, Possemis, Slikker, Tromp, Van der Blik, Velasquez
y Webb.

Acto di Entierro lo tuma lugar diaranson dia 10 juli 2024
na Misa Santa Ana na Noord y despues lo Sali pa Santana
Catolico di Noord.
Nos Rey lo reposa for di 2or di atardi den misa.

Despues di entierro nos lo no ricibi bishita di condolencia na
cas.

Nos disculpa cu si den e momento di nos tristesa nos lo por
a lubida un famia number.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa tranquil,
Pa mi bolbe haña forsa”.
Salmo: 23

Nos ta anuncia fayecimento di:



Elga Rolanda Croes
*10-12-1943 - †27-06-2024
Condecoracion: Pro Ecclesia et
Pontifice Papal

Na number di su

Rumannan: Rubert y Jacklien Croes
Willem y Amparo Croes
Mario Oswald y Glenda Croes
Ingrid Croes
Orsline Croes na Hulanda

Cuñ: vda. Cecilia Franken

Sobrina(o)nan:
Susie, Lisette, Mabilene, Malaki, Shakira, Cheyne,
Gregory, Rachella, Kenrick, Renato, Eder, Zico,
Shera, Shahaira y Shudeska.

Sobresobrina(o)nan:
Stacey, Julie, Jeshua, Nasir, Isai, Zavy, Miljuaen,
Alexon, Alexei, Amanda, Jeniree, Kareina,
Jeanrick, Vanity, Giandrè, Shavenska, Xhaiden y
Shurvinzqia.

Su Madrina:
Aida Pieters

Prima(o)nan, ihanan, comer, compernan, tur su
amiga(o)nan, conocirnan mucho pa menciona,
su bon bisiñanan, Grupo di Oracionnan: Birgen
Peregrino, Beato Bronislaw Markiewicz, Hardin
di Rosa pa Mama Maria y tur demas famia na
Aruba, Bonaire, Curaçao, Hulanda y U.S.A.
Sin lubida su mascotnan: Lady cu Gues

Acto di entierro lo tuma lugar na Misa Birgen di
Fatima, Dakota, diamars 9 di juli 2024 di 2'or pa
4'or di atardi, despues lo sali pa Santana Catolico
na Oranjestad.

Condolencia lo tuma lugar na Royal Funeral
Home, dialuna 8 di juli 2024, di 7'or pa 9'or di
anochi.

Disculpa nos, pero despues di entierro nos no ta
ricibi bishita di condolencia na cas

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Mi Dios, Mi Señor, Mi Salvador
Cu Bo amor infinito tenemi den Bo braza
Ya no tin scuridad
Unicamente Bo Luz briyando

Cu dolor na nos curason nos
ta anuncio fayecimento di nos
mama, suegra, wela, bisawela
y tanta stima:

Sra. Hortencia
“Tencha” Henriquez
★29 september 1939
†1 juli 2024



Na number di su
Yiunan:
†Iris y Roque
Jorge y Karin
Nelson Y Inge
Richard y Esther
Marisol y Douglas

Nieto(a)nan:
Bryan, Jason, Aaron, Xenia, Bibi-Jane, Rodney, Sürinda,
Raymon, Rik, Linda,
Malcolm, Jessie

Bisanieta(a)nan:
Luna, Ayden, Rylee, Bjorn

Amiga:
Lucilla Croes

Sobrino(a)nan y demas famia y conocirnan

Un gradicimento special di curazon pa Anna Werleman y
Nueva Coutinho pa e cuido y amor pa Tencha

Ta invita pa acto di despedida cu lo tuma lugar diamars
9 di juli 2024 na Aurora Funeral Home di 2pm pa 4pm.
Cremashon lo tuma lugar den seno familiar

Nos disculpa si den nos tristeza nos por a lubida algun famia
of ser keri.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Nos ta anuncia fayecimento di:



Dulce Maria Desbarida
★14-12-1928 - †30-06-2024

Acto di entiero lo wordo anuncia despues.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Dios ta amor... y amor ta Dios,
maske mi no ta na e mundo aki, tur dia lo mi ta banda
di boso Curazon, mi por stens di loke Señor ta hasi”
Salmo 33

Ta anuncia fayecimento di:



Juan P. Geerman
Cariñosamente yama “Juancho” of “Juan di Pau”
★09-07-1953 - †02-07-2024

Na number di su:

Esposa: Maryleen Geerman Croes

Yiunan: Mary Rose y fam Hulanda
†Rosley
Juanne
Edwayne
Patrick y fam
Jason y fam na Hulanda

Rumannan: Bea y John y fam na Hulanda
Rochi y Candy y fam
Ika y Juan y fam
Wina y Mario y fam
Chenta y Efe y fam

Su rumannan cu a bai den feliz memoria:

Suegra: Sra.vda Ana Croes-Trimon

Cuñanan: Eleanor y Bill y fam
Alvaira y fam

Swa: Cirilio y fam

Demas sobrinonan, primonan, Amigonan y
bisiñanan y bisiña mas serca Carina
Ex coleganan di AeroCargo y Casino control y
amigonan na Juanpor, amigonan di softball y
baseball Sta.Cruz

Demas Famia Geerman, Croes, Curiel, Arends,
Winterdaal, Jansen, Hellburg, Dirks, Vrolijk,
Felix

Oportunidad pa duna condolencia: Dialuna 08
juli 2024 na Aurora Funeral Home di 7:00 – 9:00
pm.

Acto di entiero: Diamars 09 juli 2024 di 9or pa
11or di mainta na Misa Inmaculada Concepción
na Santa Cruz y despues lo Sali bai pa santana na
Catolico na Santa Cruz.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever.

Cu dolor na nos curason, nos ta participa fayecimento di nos
ser stima:



Sr. Lodrico Briesen
Mihor conocí como “Ludi”
★04-09-1964 - †04-07-2024

Su pareha: Evalyn Henriquez
Yiu: Jack Briesen y
Nathalie Pers
Mama: †Ana Maria Briesen
Heronimo
Tata: †Melecio “Ale”
Briesen
Rumannan: †Jossy y Lourdes
Amanda y Benito
Doortje y Dino
Edwin (Tico) y

Miriam
Suegra: Jean Wever y Ti Everon
Suegro: Eduardo y Lena Henriquez
Cuña: Roosmin y Careil
Krosendijk
Sua: Jeantino Everon y
Priscilla
Su futuro
grupo di triathlon: Carley-Rose Krosendijk
Jayren Heronimo
Jerson Vrolijk
Shatyana Geerman
Joanda Geerman

Su ihanan: Francis Growell
Briesen, Jasmila Heronimo y Rudi y Els Pers

Consuegros:
Na tur e teamnan, seleccionnan y deporte cu e la forma
parti di dje na Aruba y Hulanda.

Tur subrino y subrinanan, primo y primanan, amigo
y amiganan, bisiñanan, conocirnan, ex-coleganan y
demas famia Briesen, Briezen, Heronimo, Henriquez,
Everon, Croes, Krosendijk, Growell, Tromp, Gamarra,
Dania, Kock, Geerman, Ras, Gomez, Loopstok, Dirks,
Boekhoudt, Feliciano, Erasmus, Maduro, Pereira, v/d
Linden, de Mey, Wever, Ridderstap, Vrolijk, Nicolaas,
Rosso, Penagos, Ramirez, Pers.

Oportunidad pa condolencia lo ta Diaranson 10 di Juli
2024 di 7.00 pa 9.00 pm na Aurora Funeral Home
Acto di entiero lo ta Diahuebs 11 di Juli 2024 di 2.00 pa
4.00 pm na Aurora Funeral Home. Cremashon lo tuma
lugar den seno familiar.
Famia ta pidi pa bisti color alegre.
Disculpa nos si den nos tristesa nos por a lubida algun
familiar, amigo of conocir.

Merca: Biden ta insisti cu e lo sigui como candidato presidencial contra Trump

(EFE) – Presidente di Merca, Joe Biden, a manda un carta na senadornan y legisladonan democrata di Congreso den cual a insisti cu lo sigui den e carera presidencial contra Donald Trump aunke, tin basta critica den su contra.

“Mi kier pa boso sa cu a pesar di tur speculation den prensa y na otro espacionan, mi ta firmemente comprometi pa permanece como candidato presidencial, pa yega te final y vence Donald Trump,” el a afirma. E democrata a afirma cu no lo a bira candidato pa presidencia mas “si mi no tabata kere absolutamente” cu “mi ta e miho persona pa vence Donald Trump,” ex-presidente republicano (2017-2021).

Biden a conta cu, despues di e criticanan causa pa su mal actuacion den debate presidencial di 27 di juni ultimo, a tene “combersacionnan extenso cu lidernan di partidonan, funcionarionan, miembronan di base y votadonan.”



“Mi a scucha e preocupacionnan di e hende y di e miembronan cu ta expresa di bon fe, riba loke ta den wega den eleccion aki. Mi sa esey,” e presidente di 81 aña ken ta aspira e reeleccion e proximo

5 di november a afirma. Segun el a relata, den dianoan aki tambe a ricibi varios “expresion di afecto.”

“Mi ta gradici pa e apoyo solido y firme tanto di democrata

eligi na Congreso y na tur e pais,” el a afirma. Biden a destaca e importancia di eleccion primario cu a celebra na varios estado den cual, ni un otro candidato potente a resulta ganador. Den proceso-

nan aki, segun el a afirma, a ricibi mas di 14 miyon voto, 87% di e voto emití. “Mi tin mas di 3,900 delegado, loke ta nifica cu mi ta e candidato di nos partido cu un margen amplio,” el a destaca. E presidente actual a bisa cu e ta nenga di bisa cu e proceso aki no ta importa. “E votadonan di e Partido Democrata a vota. Nan a eligi mi pa mi ta e candidato di e partido,” el a afirma. Despues di su rol hopi cuestiona den e debate y criticanan constante pa su edad, Biden ta enfrentando bosnan den e fraccion democrata cu ta pidiele pa e retira.

Diadomingo ultimo, por ehemplo, e corant New York Times a publica cu por lo menos dies congresista democrata a haci un peticion pa Biden bandona su candidatura presidencial.

Congreso ta bay back na Washington awe pa prome biaha despues di e debate di 27 di juni, loke a provoca un preocupacion general riba e capacidad di Biden pa sigura e victoria di democratanan na november y permanece cuatro aña mas den poder.

Israel ta na El Cairo pa participa den negociacionnan di alto al fuego

(EFE) – Hefe di Shin-Bet –agencia di seguridad interno di Israel-, Ronen Bar, a biaha diadomingo ultimo pa El Cairo pa participa den negociacionnan pa un halto al fuego cu lo permiti haci un intercambio di rehen Israeli na cambio di presonan Palestino, segun e medio local Walla a bisa.

Segun Walla, Bar ta acudi na Egipto pa forma parti di combersacionnan pa haya sa e nombrenan di e prizoneronan Palestino cu lo ser libera si e acuerdo lo tuma luga, asina tambe como riba e control den un futuro paso na Rafah, extremo di e Franha y frontera cu e bisiña sur di Israel. E cruce aki tabata constitui e acceso principal di ayudo humanitario na un Gaza destruí, den cual 38,100 Palestino a muri, hasta cu a cer’e poco despues cu Israel a lansa su atake riba e ciudad di Rafah, cu ta prolonga pa mas di dos luna. Diadomingo, ultimo prome minister Israeli, Benjamin Netanyahu, a publica un lista



di su liñanan cora den marco di negociacionnan, entre nan contrabanda di armanan for di Egipto te Gaza a traves di e paso fronteriso. Cu e biahe di Bar pa El Cairo, inteligencia interno Israeli ta uni na combersacionnan den cual a cuminsa forma parti diabierna di siman pasa e servicio di inteligencia externo,

Mosad. Hefe di Mosad, David Barnea, a haci un biahe corto pa Doha (Catar) pa reuni cu e prome minister y hefe di diplomacia di Catar, Mohamed bin Abdulrahman al Thani, pa discuti e proposicion plan-tia pa hamas diaranson cu lo inclui e liberacion di 116 rehen cu ainda ta keda paden di

e Franha. Barnea, ken a biaha su so sin e delegacion di negociacion completo, ta bay back Catar e siman aki cu tur su ekipo, cu ta inclui Ronen Bar of e mayor general Nitzan Alon, ken ta supervisa e combersacionnan na nomber di Egipto. Asina mes, Egipto ta bay tin den su teritorio den proxi-

mo dianoan e delegacionnan di Merca y Israel pa papia di cierto puntonan “pendiente” riba un posibel halto al fuego na Franha di Gaza. Ambos banda ta mira di forma positivo e ronda di negociacionnan, nan ta insisti cu nan liñanan cora for di lunanan atrasa lo siguiente: Pa Hamas, alcanza e fin definitivo di e guerra na Gaza, y pa Israel, logra su obhetivonan di guerra cu ta caba cu capacidatnan militar y di gobierno di islamistanan, rescata tur rehen y garantis e retorno sigur pa nan cas di esnan evacua na nort y sur di e pais. “Cualkier acuerdo ta bay permiti Israel retoma atakenan back tanten tur obhetivo di e guerra lo ser alcanza,” Netanyahu a bisa den un comunicado publica.

Mientras tanto, e guerra ta continua. Por lo menos 40 persona a muri y otro 75 a resulta herido den atakenan Israeli den ultimo 24 ora na Franha di Gaza, segun ultimo cifranan di Ministerio di Sanidad di Gaza, controla pa Hamas.